

社會小說

卷下

說部叢集 第二十編

賊史

上海商務印書館發行

# 完全華商務印書館

(製) (自)

## 學校儀器文具

採購價目格外克已

客之盛意物等類無不

本館總發行所自新屋落成後，廣營業。特為學界諸君便於採購儀器文具起見。增設發售儀器文具處。凡大小中小各級學校師範實業等學校，應用理化、器械、藥品、人體、動植、礦物、標本、模型，並音樂、測量、繪圖、體操、各種器具，與夫校中必需之墨水、墨、色膠、紙張、粉筆、等類，無不

(製) (精)

## 文房用品

本館為諸君採購文房用品，便利起見，聘請名手，精選上等原料，督製仿古及新式各種信箋、信封、又仿製湖筆、徽墨等，廉價發售。所有各貨、花樣新奇，品物精美，較別家發售者迥然不同。倘蒙惠顧，無論臺批零售，一律歡迎。在外埠者，可直接函購，或就近向本分館購置，亦

戊申年五月十九號  
戊申年六月三日  
中華民國四年十月十九日再版發行

(賊史二冊)

(每部定價大洋壹元)

人作著原著者  
譯述者

英國卻而司迭更司  
杭閩侯魏林易紓

發行人  
印刷人  
印刷所  
總發行所

此書有著作權翻印必究

新字典

四百餘萬字  
三千餘頁



勝他萬卷書

典

原本

洋裝一冊  
二元四角

六冊  
一元四角

縮本

洋裝

皮面

一元八角  
一角

編輯者數十人  
費時歷七八載

(表價定)

品號	冊數	定價	說明
甲種本	十二册	二十元	輪船水手
乙種本	二册	二十元	輪船水手
丙種本	二册	一元	郵便
丁種本	二册	一元	郵便
戊種本	二册	一元	郵便
二册	七元	八角	郵便
五元	三元	一角	郵便
一角	一角	一角	郵便
三元	一角	一角	郵便
一角	一角	一角	郵便

新舊名辭中外  
典故無不詳備



本書就中學以下學  
程度編。專用淺近文言注釋字義。而尤以改良切音釐正字體爲本書特色。

紙面六角

布面八角

# 賊史卷下

英國郤而司先生著

閩縣林紓  
仁和魏易同譯

## 第二十八章

路中沙克司狂奔匪蹕斥追猶曰惡物敢爾吾苟得汝者將立折爾項語時尙背倭利物遂置此孺子於膝少休則回首顧追者然天色沈黑亦不之辨但聞追者狂呼於後而村狗亦四應而嗥而託貝已先行而去沙克司曰汝無膽胡不待我託貝聞呼立止防其出槍狙擊沙克司曰汝歸爲我助鼻孺子託貝不悅則徐步就沙克司沙克司曰汝胡不前即寘倭利物於涸溝之內出手槍言曰汝敢戲我我將贈爾以此然追者已近沙克司迴首已見有人越籬落而進兩大狗爲道託貝曰沙克司已矣且孺此子自全其命語已復奔自計受沙克司不必命中之槍勝於爲追騎之所禱沙克司倉皇以領巾覆倭利物縱身出籬而逃時追者之後勁有人呼狗曰歸矣。

勿迹窮寇此狗亦憚行聞呼卽返追者可三人聚而商議三者皆肥其最肥者言曰我之命令不如歸也其次肥者言曰旣密司忒極而司爲是律令吾當力贊其美喘息中極鞠躬示敬蓋天下懾服於人之人匪不恭也其第三人曰我亦不敢自堅一議次肥者曰然吾輩自宜聽命密司忒極而司之言烏敢不承語時齒震震有聲極而司曰白立忒而汝恐乎白立忒而曰吾何敢恐極而司曰汝恐無疑白立忒而曰密司忒極而司妄矣極而司曰汝言不恐卽亦妄語此二人之爭挑釁者實爲極而司極而司之挑釁者蓋出令而不自承恨二人委責其身故怒而挑釁惟此第三人忽發一語爭端遂釋言曰二君勿爭實則三人均恐也然三人中極而司之顏色最慘白及聞第三人言則曰汝言殆白文其過第三人曰我固恐凡人當此身與盜格惡能不懼我直自承不諱白立忒而亦曰我今亦自承第不能衝口而發耳自此二人咸自檢舉極而司亦曰吾亦良肖二君於是三人前憮盡釋緩步而歸道中極而司曰吾初起時胡以膚力翹壯殆血熱也當時吾幾欲得盜而致之死二人同聲曰

吾亦云然今茲熱血靜矣故怯三人復議曰胡以膽力之猝起猝落乃不知其故極而司曰或近籬次熱血始退吾但覺一近籬扉熱血已猝然而冷此二人亦曰此語正同吾二人亦咸如是三人旣議爲籬所沮心同意合外史氏曰三人之言當也其始未見盜故雄近籬知盜所在故怯常理也此三人中前二人爲開門縱槍之人第三人則爲補缸之匠依其字下聞呼起助捉賊極而司爲此巨室老命婦紀綱之僕白立忒而則爲下走之僕自少已至命婦之家舉家至今仍以爲稊實則白立忒而爲年三十矣此時三人堅聚而行故揚其聲以警盜每遇風據林葉則必狼顧旣至大樹之下取燈以執燈而行防此劇盜循燈影而縱其槍故置燈以免禍及旣獲燈遂卽趣步而歸時夜將垂明寒威逾重霧氣出諸地中厚如厨煙草上皆涵宿雨道中窪地積水盈尺倭利物臥溝中知覺盡泯如死東方旣明夜中黑積至是已開明辨其爲植物而雨脚尙淋漓不止爭落此創兒之身仍暝然無覺已而發聲而呻左腕爲一領巾所裹其重如鉛而血漬已透裏巾以外顧體羸乃不能起坐旣坐則四

圍空曠不期而覺其痛既冷且疲骨節無處不顫思欲起立則又僵仆仆時復昏心中尙微覺計非自力而行必死於是決無人知乃極力自支而起首暈如洪醉方顛跌間不辨所嚮而前幸兩盛平其腦熱遂不更暈張目一望有夏屋歸然在其前思徑前陳請或得主人垂憐卽死弗懲然死於有人之地或不飽狗腹遂努力前旣近此屋又似曾相識者尙能憶其大略更觀其門及其草地卽宵來行竊之地則大驚指微叩其扉身力已盡遂暈於階上尙以背倚柱未仆正於此時極而司及白立忒而與補缸者以昨夕勞瘁方以酒自勞於厨次極而司貴重初不飲此厨間然蒙槍火而追強盜生死同之則不能不降格而從衆於是獨踞一榻專饗爐火於爐前一手指揮盜狀以饗衆目聽者之中厨娘小婢尤爲注意極而司曰爲時可二旬半近三旬鐘間吾醒而欠伸忽聞有異聲語至此厨娘色變命侍婢閉關婢卽呼白立忒而白立忒而則轉命補缸補缸者僞爲不聞極而司曰吾乍聞其聲以爲幻想方欲

更寐厥聲。又作至清晰。廚娘曰。其聲何若。極而司四顧。曰似有物炸裂。白立忒而曰。非也。似杵臼相觸。作搗物聲。極而司曰。汝所聞尙後我初聞之。直炸裂聲。此聲旣聞。吾遂揭被而靜聽。廚娘及侍婢咸失色呼。上帝遂移榻相擠而坐。極而司曰。吾聞聲後。遂往醒白立忒而此蓋吾之天良。防白立忒而睡中爲盜所戕。刀下自左及右。咽喉斷矣。語至此。衆皆引目視白立忒而顏色盡變。極而司語時。卽迴手揭其案幕。曰。吾力掀吾被。微步下榻。趣穿一句語。忽突止。兩手作納袴狀。白立忒而曰。汝留意是間。有女人極而司曰。吾著靴耳。張目怒視。曰著靴何害之有。於是吾執槍。至於儲酒之室。且語白立忒而曰。汝勿懼爲盜所殺。正自難言。然此心宜有把握。廚娘曰。白立忒而恐耶。極而司曰。彼堅定之力良如我。侍婢曰。吾於此時。但有震怖而死。白立忒而曰。爾爲女流。又當別論。極而司曰。女子安有膽。吾輩丈夫。即復奚畏。立時取黑燈。摸索而前。語至此。作摸索形。示厨娘及侍婢等。方作勢行數步。卽突然歸坐。衆皆失色。厨娘及侍婢幾失聲。而號極而司。神定言曰。外間有人敲門。孰往啟者。一時乃無。

一應極而司四顧人人皆失色則沈吟言曰奇哉侵晨安有敵吾門者然此門必當往敵汝輩曾否違我命令語時以目視白立忒而欲令之行白立忒而本極謙恭以爲必不勝此大任乃僞爲無聞不卽答極而司轉眼觀補缸者補缸者立時鼾睡其下厨娘侍婢尤戰慄無人色極而司言曰以我決之白立忒而爲前鋒以我威望爲之後勁補缸者立醒曰我願爲殿大事議定而白立忒而在義莫逃然猶先啟廚房之窗知爲光天之下非強盜出沒之時衆心大定則列隊出地窖呼二狗爲前敵厨娘侍婢以衆行無伴亦隨行極而司忽出兵謀言曰吾輩當抗聲而言使衆聲雜動令門外聞之知此中大有人在尙有疑兵之計則力搘狗尾令狗狂嗥以助勢防務已周極而司則堅握補缸之臂在極而司自解則防補缸者潛逃始發開門之令白立忒而違令敵關人人爭舉目出自白立忒而肩上外覲盜蹤渺然但見一瘦童似病人而出一見卽曰白立忒而試進觀此童子亦識之否白立忒而本伏於扉後此時似餒倚柱欲量張口乞哀極而司曰童子也立奮其勇氣推翻白立忒而鬪然排衆

亦出見而大呼於是爭執此童入門臥於地上極而司登樓呼曰馬丹奴子已得一賊實我以槍中其臂白立忒而繼言曰提燈者我也厨娘侍婢已先行言極而司已獲一巨盜補缸者方以水漿灌此受創之賊防其未伏法而已就死正於紛撓間聞樓頭有嬌柔之聲呼曰極而司極而司卽曰老奴在此密斯何事者幸勿懼奴子未被創也吾力且足以捍盜聞樓上女子曰汝勿叫囂乃令吾叔母聞聲若遇盜矣究竟所獲盜被創如何白立忒而曰防其垂死密斯能下樓一觀其狀否密斯曰汝仍勿囂我將告老人但聞小蠻靴聲入樓心少須仍近樓闌傳語曰主母命汝扶盜入極而司室善將護其人白立忒而趣以馬赴吉德西延醫生並挾一巡捕至此白立忒而曰密斯得一臨觀亦佳密斯曰吾不欲觀其創極而司汝必善視其人極而司應諾遂扶倭利物登樓入其室

## 第二十九章

此夏屋頗精潔惟陳設咸近古致其中兩女人同飯餚核頗精極而司衣純黑之衣

侍側。一手納諸衣囊。挺然特立。蓋自命爲綱紀之首。領風概。凜然。二女人中一已年老。坐於直背之榻。此榻背之勁直。似未必能逾老命婦之腰膂。衣服周整。在舊式中少參以時世之服。眼光四照。則專注此對坐之女郎。此女郎之貌正交初春以後。去穢齒而趨妙年。凡女子當如此芳齡。苟安琪兒臨凡。則必附神於此等人之軀殼。年甫十七。想上帝手造此人。時定以細膩溫柔之模。用而範之。旣媚且美。雅麗無匹。此世界中。或不足以容其人。卽世界中人。亦不足爲彼伴侶。目中靈光。腦中靈氣。直越恒人萬倍。旣非妙年所應有之聰明。尤無濁世所偶同之比。並而眉棱眼角。絕世丰神。恆示人以親愛之狀。則又似足以宜人室家者。今在老人之前。料量食品。偶爾凝眸。見老人凝神盼注。則掀其覆額螺旋之髮。被之背上。微笑向老人。此一微喚。苟非人世福人。則萬萬不能寓目矣。老人曰。白立忒而去。逾一句鐘外矣。極而司出表言。曰。已一點十二分矣。老人曰。彼行類如此。極而司曰。此孺子良儒。緩不及事。老人曰。較彼雖年尤極紓徐。無復精神。女郎微笑言曰。此子苟遇其伴相將而談笑。大足誤。

主家事。令人生憎。極而司方欲更言。已聞門外有雙輪之車。停於牆西。車停後。有胖人下車。一入門。卽已登樓。極而司方欲啟關。而胖人已入。屏斗啟觸。極而司幾仰翻。於後一進門。卽曰密。昔司麥烈。此事胡來。乃從黑夜中捉賊。殊覺駭人。聽聞語已方與二人引手爲禮。卽移榻踞坐。始問晨安。且曰馬丹輩聞賊必震恐失次矣。胡以得賊。時不先延。我家有臧獲。卽可赴援。此事原足以取助於鄉里者。此乃出人所料。賊來。乃未聞。在夜半之時。外史氏曰。此醫生乃大不以大盜以黑夜入人家爲然。在醫生之意。盜當先數日。以東告主人。定以日中行刦耳。此時醫生謂女郎曰。密斯羅斯。汝曾被驚恐乎。羅斯曰。此意中事。惟吾叔母意欲延先生爲治。一被創之賊。今尙在吾樓中也。醫生愕曰。得賊矣。顧極而司曰。此綱紀之功也。極而司方收食具。卽謙讓曰。此特微勞。意醫生必有獎勵之言。顧乃寂然。極而司不悅。醫生曰。極而司賊安在。引我視之。告老人曰。密。昔司麥烈。吾視創者後當更來。且行且言曰。賊乃從窗間入耶。是又安料其至此。遂從極而司入室外。史氏曰。吾宜告讀者。此醫生洛司朋。其

肥也。殆中心喜悅而肥。非謂得利多心廣而體胖。然尙長厚。惟有奇癖爲此間五英里中徧覓皆不得其偶者也。此時入室理創。自車中出藥箱。而掣鈴之聲。續續不絕。奴廝亦無停趾。足令人見之。凡治人之道。其事甚煩瑣。非復易易已。而醫生進老人及女郎問狀。醫生未卽答。少須言曰。事奇創者亦奇。老人曰。得毋有性命之虞。醫生曰。言死者亦足以死。以我觀之。亦足以不死。實則密昔司會見賊乎。麥烈曰。未也。醫生曰。綱紀曾語密昔司以賊之狀態。及年齢乎。麥烈曰。未也。極而司曰。馬丹。奴子。剛欲言。賊狀先生適來。故未之言。讀吾書。當知極而司之焦灼。固自有由。以初敍戰功。不言。得一孺子。妨言之於一身之勇名。有礙。故少停其消息。不於露布中宣之。借此小時爲英雄。伸眉之地。麥烈曰。羅斯欲觀大盜之獵狀。老身不聽之往。妨駭此嬌弱之質。醫生曰。盜焉足震。果欲觀者。鄙人引密昔司往觀之。老人曰。若非觀不可者。吾膽力亦弱。不若面此兇人。醫生曰。鄙人敢力任密昔斯之不恐。因曰。密斯羅斯。吾挾汝行。永永無怖也。

### 第三十章

醫生挾羅斯赴盜所。口中尙時時慰羅斯以勿恐。既至啟關言曰。彼雖亂髮鬚鬢。然爲狀不足恐人也。今且少立。吾先入觀其睡醒。勿令彼驚怖。遂入掀其幔。招乎引女郎入。羅斯旣入。則是中不見有黑髯獠牙之人。但見臥一總角之兒。細審其狀似痛似疲。則已昏惱如醉。受創之臂。裹而置之胸口。其一臂則曲而代枕。髮四散。似久未就理者。醫生少遠立。羅斯坐其榻前。以手分其髮。不期淚濕。倭利物頰上。倭利物頰中。爲淚沾濕。微動而笑。似夢中遇安琪兒。爲之消災去障。驀然而喜者。老人曰。此又何故。詎此可憐之兒。亦大盜儻侶耶。醫生太息曰。醜類蓄蟬心。當不能以壯弱定其善。否。羅斯曰。固有是理。惟此兒似非醜類。以年事不及也。醫生復太息曰。姑娘聽之。犯罪猶之就死。無別壽夭。往往趣尋孱弱之人。羅斯曰。先生之言據理言也。惟此孺子之狀。先生即信出之中心。甘爲胠篋之盜乎。醫生搖首曰。正自難言。今勿在是間。遂延二人入複室。坐。羅斯曰。即使其人不善。吾觀其人必無父母。且無教育。爲僉壬。

所迫而然。非復中心之所樂。謂老人曰。請叔母體上帝之心。勿令官中人得之。入官必決無生理。且吾之幸依叔母。竟不自知爲無怙。無恃之人。果非叔母仁慈。安知義。義者之不至於落溷。今請叔母以愛我之心。憐此義弱。勿令官中人得之。語已而哭。老人則直抱之懷中。言曰。孺子汝乃以老身忍傷此人。一毫髮耶。羅斯曰。我何嘗謂。叔母之有是心。老人曰。老身年鬢已高。去死爲近。但求天主之賜仁慈於我。亦猶我今日之賜仁慈於人。惟救之。當用何術。醫生曰。容我思之。納手囊中。前後趨步。忽閉目曰。得之既而又曰。不可。旣乃言曰。密昔司能容我嚴斥此兩綱紀。令其遲疑。則孺子免罪矣。吾亦知極。而司多年之僕御不忍。指斥其短。然事後言之。亦足消釋密昔司其允我耶。密昔司麥烈曰。能救此兒。吾亦允汝。惟有他法者。尙以他法爲良醫。生曰。無之。羅斯曰。吾叔母許爾矣。惟先生勿太凌暴此二舊僕。醫生曰。密斯殆謂世人。舍密斯外。皆險暴之人矣。吾思他日有求婚之人。密斯或亦不忍以仁慈之心謝絕之。恨我年老不爾。亦或幸乞密斯之憐。羅斯色頰即曰。先生亦類孺子之言。如白

立忒而者。醫生大笑。笑已言曰。今當更論孺子事。大抵不久當醒。醒時當仔細詰其生平。惟吾細詰時。密昔司當即而聽之。果惡心出之於己。則老夫亦決聽之不筭。令其赴輸羅斯。曰。此着請叔母勿許先生。醫生亦曰。叔母必許。不許者我卽不承。羅斯。曰。吾意決。信其不爲惡。醫生曰。旣信其不爲惡。則老夫之言何謬。於是如醫生言。靜待其醒。衆以爲去醒無幾時。顧乃延候四旬鐘。仍弗醒。至於黃昏。醫生始告老人。可以臨質。且言孺子流血多似弱。然此孺子似欲有言。不如竟聽之。言或蘇其鬱。於是倭利物述前後之事。或斷或續。以痛楚間之。不能徑直而竟其語。三人聞倭利物微聲訴枉。爲之哀憫。無已。於是力勸其息。不令更語。是夕。倭利物濃睡極穩。貼醫生聞倭利物言。拭淚不已。止彼母女勿悲。遂下樓入屬次尋極。而司見男女雜坐。巡捕亦在其內。巡捕憚碩而被酒。男女集談。仍述昨夕之事。極而司方得意。問醫生已入衆起迎醫生。令坐極而司曰。吾主母賜酒旌功。吾亦不願獨飲。乃與彼輩共坐。此創盜。何如矣。醫生曰。幸無恙。惟此事汝輩乃大誤。極而司曰。彼死耶。果知其死。吾何爲縱。

槍以槍斃一兒童於中心滋歉。醫生曰：匪爲是也。吾問汝曾否爲基督教人極而司失色。言曰：是也。醫生顧白立忒而曰：汝何爲者？白立忒而聾然曰：上帝振我靈魂。我與極而司宗教同也。醫生曰：既爲教門中人，請爾立誓。此孺子果否爲昨宵越窗之賊二人相顧無言。醫生曰：巡捕靜聽綱紀之言。此事乃大有關係。巡捕點首倚行杖。傾耳以聽。醫生曰：世界而目之同者多矣。巡捕曰：然。語後大噫且嘯。以酒入氣，筦肺不能容。故大嗽不止。醫生曰：此間爲夜中遇盜。二人在燈光中見一孺子之影。心荒意亂。益以槍煙如何了了。乃今晨卽有一童至此門外臂上有創。此二人卽指爲宵來之賊。吾今試問此事。能必其卽爲是人耶？巡捕點首曰：於律意未合。醫生又語二人曰：汝輩能立誓以指實其人乎？白立忒而視極而司極而司視白立忒而衆皆傾耳聽其答詞。而門外車聲復至。白立忒而卽亂以他語曰：車至矣。醫生曰：誰耶？白立忒而曰：今晨密司忒極而司命我延官中人至也。醫生曰：確耶？白立忒而曰：確。晨來延彼。迨晚始來。醫生曰：汝輩爲之耶？已矣已矣。遂出。

### 第三十一章

白立忒而以手護燭開門外盼。發問爲誰。門外人曰。吾爲官中人。府中以人延我。茲我來矣。白立忒而知爲官人。則大闢其屏。見一胖人。衣外衣。瞻視非凡。而進。既進。卽拭其靴。令淨。意態蕭閒。少須問白立忒。而曰。孺子。若家有廐否。且先息吾車。秣吾馬。白立忒而曰。有。示之以廐。其人外出。合二人之力。引車入廐。白立忒而以燭佐其行事。旣而引入客堂。二人去外衣。置其冠。第一人可五十歲。中材之軀。圓而而短鬚。二目耿耿有光。其同伴則赤髮而瘦。着高篋之靴。鷹鼻而貌醜。可怖。胖人謂白立忒而曰。汝告主人。白拉德司及德夫咸戾此矣。語已出其鎗。賓諸几上。此時醫生引麥烈及羅斯入欵客。麾白立忒而令出。語二公人曰。此爲屋之主婦。白拉德司與麥烈鞠躬。麥烈延坐。胖人旣坐。示意亦令德夫同坐。德夫者似出下流。一蒞故家。則坐立咸不知所可。卽以行杖納諸口中。吮之不已。胖人語醫生曰。請先生述宵來行刲之原委。醫生則故延宕其時。語甚紓緩曲折。此二官人傾耳以聽。咸作色各自詠其聽斷。

之長。彼此點首作領。悟狀。醫生語已。胖人曰。尙須容我一觀。方可窮賊所至。但聞爾言。足知此賊非村間之人。德夫以爲何如。德夫亦曰。決非村人。胖人曰。先生所知僅如是。他不之知矣。醫生曰。然。胖人曰。尊紀來言。尙有一童子。亦涉於此案。確乎。醫生曰。此間幹僕誤以病兒爲賊。實則非是。德夫曰。即使爲賊。一童子亦易爲力。胖人手弄鐵鎗。曰。然。但此童子何名。曾自言來歷否。可爲鄙人言之。醫生曰。彼之事實。我乃了了。惟與此案無涉。徐更言之。今當先觀大盜入門之處。胖人曰。先觀賊之來路。然後更詰家人。此吾官中人步驟也。於是家人執燈。胖人德夫合村中巡捕同入。簡閱先觀門中。然後出諸門外。入首窗中。一一相度。又取蠟細辨百葉窗破處。更以燈照地上足迹。更取鐵杵分草徑而辨。百事都已。復詳叩極而司諸人追賊情迹。第二人敍述。賊蹤。彼此齟齬。初不符合。問已二人。同入空屋。彼此互商。方商酌時。醫生頗焦悚。若不自聊。麥烈及羅斯亦頗憂煩。醫生忽謂此二人曰。吾不能以術出此兒。羅斯曰。果此二官人知此子爲迫脅而來。而亦不能加以重咎。醫生搖首曰。此胡敢定官。

中知執法而已。胡能曲徇。況前此爲徒時。曾逃避於外。即使能言。而官人亦弗之信。又將如何。羅斯曰。先生當信其言。醫生曰。此亦奇事。我固信之。或我老悖使然。惟此二官人何由得信。羅斯曰。旣足取信於我。不見信於人。醫生笑曰。女公子汝詰我。酷矣。試思官中人聞孺子言。旣得確據。則凡其可原者。悉屏勿問。適僂利物所言。謂居賊中久。又言曾爲巡捕所得。而賊竈所在。又不辨其名。此非讐言耶。至最後始來吾家。謂與二人同來。偏之入戶。敢關自承。將大呼起事。主顧未發聲。已中鎗彈。綜觀前後。竟無可毫髮解免者。女公子尙不審其可危耶。羅斯曰。先生言當然。以我私意料之。謂此子夙心爲盜。我決不忍。醫生曰。後來命婦及閨秀。決事但決一偏。不曾統籌全局。語後納手囊中。自行屋中。較前尤有憂色。已而曰。吾愈思愈不當。令此童子自陳。陳之亦決不信。卽使見執官中。後此縱獲自辯。然已陷入科綱外間。已呼之爲小賊。則與我輩救護之初心。不其戾耶。羅斯曰。此如何了。此蠢奴胡得遽鳴官府。二公人若不來。吾輩之事。何至遽梗。醫生曰。我亦不解。我意亦決不赴懇官中。今僅能

決計謂此子方病熱。不能與人交言。此事吾醫生固有權力。且緩此獄。後乃更圖。若終不能救護。僅能付之造化。此時有叩扉聲。醫生曰。入之。胖人及德夫進。廻閉其扉。言曰。此案殊無內應。君家綱紀均忠篤人。麥烈曰。吾初未嘗疑及臧獲。胖人曰。內應之事。常見於公牘。不能以主人崇信。遂舍弗問。德夫曰。正惟過信廝走。而弊竇卽萌。於是間。胖人曰。吾細密。此賊必自城中來。爲技甚高。德夫曰。行事甚工。胖人曰。來時必二人。佐以一童子。但觀窗竇已知。汝云樓上有一童子。能否容我一觀。麥烈及羅斯甚遲疑。醫生曰。公人自遠道來。禮宜供。釀羅斯曰。然當卽陳杯。罪。胖人曰。甚擾。女公子。因以手自拭其脣口。天氣甚乾。而吾之爲此役。又至疲。今勿煩擾。何酒均可。羅斯自至儲酒之櫬。醫生卽隨其後。醫生問胖人曰。公差所嗜。何品。胖人曰。稍冽爲佳。自倫敦到此。冒奇寒。得酒當解酒杯。旣陳。胖人把酒自言。曰。主婦聽之。吾自供役以來。似今日之事。所經夥矣。德夫曰。白拉德司。昔者愛德孟被盜。不與此同耶。胖人曰。然。彼事卽康格爲之。德夫曰。汝終疑彼。此事與彼決無牽涉。胖人曰。汝何知。吾較爾。

閱歷深矣。羅斯聞言，卽曰：康格者何人也？德夫曰：康格酒家也。遂歷言康格事，辨其無罪。於是飲酒至夥。醫生曰：請登樓視此童子。胖人曰：可。於是二人隨醫生登樓，極而司執燈高照。倭利物尙懵謄觀之，果似熱病。極而司醒之。醫生扶之起。倭利物視此公人不審，何作狀！尙曾沈。醫生曰：卽爲此兒。彼在近處爲遊人。汽槍所中吾家藏，獲得之以爲卽宵人之徒。此卽彼人所爲者，則以手指極而司。二公人同視極而司，極而司媿不可仰。醫生卽曰：此非汝所爲乎？極而司格格言曰：吾初以爲卽此人耳。不爾，胡必自門外擒之以入？胖人曰：汝以此子爲何種？入極而司曰：吾直以爲賊徒。以是夜確見有一童子入室。胖人曰：今汝意如何？尙以爲賊否？極而司曰：吾不敢立誓。決其爲賊。胖人曰：汝自籌度其狀類否？極而司曰：吾亦不能更思。大致似非此兒。胖人曰：此人得毋洪醉？前後乃相離。歸德夫曰：汝胡憤憤乃爾？此時醫生僞爲倭利物切脈，忽起言曰：二君果更有所問，請入複室。更令白立忒而詰之。二人遂出，呼白立忒而入，問白立忒而尤顛倒錯謬滔滔不絕，乃一無機緒可尋。且曰：密司忒極而

司。言。然。我。亦。云。然。今。澄。心。思。之。亦。弗。似。也。胖。人。復。問。極。而。司。縱。槍。時。曾。中。此。入。室。小。盜。否。更。驗。前。槍。則。但。有。火。藥。無。彈。子。於。是。衆。皆。曰。此。槍。有。藥。無。彈。何。由。中。人。遂。譁。然。不。以。爲。實。實。則。膛。中。之。彈。預。爲。醫。生。所。取。極。而。司。愕。然。莫。解。其。故。既。而。思。之。此。亦。佳。事。吾。未。嘗。以。槍。死。人。上。帝。或。不。見。誅。遂。亦。自。承。其。謬。此。二。公。人。知。不。涉。童。子。事。乃。不。問。倭。利。物。興。辭。而。去。明。日。二。人。聞。金。司。登。獲。二。人。並。一。童。大。類。此。間。事。遂。清。晨。赴。金。司。登。更。詢。則。但。盜。村。間。之。草。初。非。大。盜。以。律。言。之。但。得。小。監。禁。證。之。以。盜。蹕。都。無。實。證。亦。不。能。以。大。盜。目。之。久。之。仍。不。得。盜。官。中。乃。令。麥。烈。及。醫。生。具。牘。保。此。童。子。非。盜。事。遂。寢。倭。利。物。自。是。日。起。長。住。麥。烈。家。主。人。待。之。至。厚。病。亦。日。愈。矣。

### 第三十二章

倭。利。物。之。病。初。亦。甚。劇。旣。受。彈。就。醫。少。晚。流。血。逾。常。度。且。夜。臥。雨。中。積。而。成。瘡。寒。熱。可。數。禮。拜。不。退。瘦。乃。骨。立。又。更。數。禮。拜。漸。能。起。立。見。麥。烈。及。羅。斯。則。涕。泣。鳴。謝。且。言。病。軀。少。間。自。請。效。奴。廝。之。役。用。酬。高。天。厚。地。之。德。且。自。慶。爲。莫。大。之。福。一。日。以。此。語。

語羅斯。羅斯曰。傷哉。汝且勿急。報我之日方長。吾叔母將赴別墅。欲以爾偕行。今方春。初村間風物殊美。野花亂開。爾以新愈之身。當日有起色。俟汝能任勞時。我將以事託爾。倭利物曰。何名爲勞。幸能爲女公子澆花。飼鳥。及趨走之役。卽短吾年。吾亦甘之。女曰。汝胡作此語。汝但蓄此心。已足悅我。倭利物曰。仁哉女公子也。女曰。吾叔母能救汝出險。以爲生平稱意之事。爲樂已極。胡求報爲若被救者能爲感謝之言。則尤樂。汝亦省吾言乎。倭利物曰。吾甚感夫人盛德。惟尙有不能自安者。女曰。不安者云何。曰。卽所云白龍路先生家之老嫗。愛我。我乃背之。滋非祥也。女曰。汝且勿憂。醫生言待爾愈時。將攜爾赴舊恩家。面此嫗。倭利物樂極而駭。曰。確耶。果孺子能更面舊恩之人。則生平倅福。甯可言者。逾數時。倭利物病愈。一日醫生卽引倭利物以小車往見白龍路車及吉德西橋次。倭利物變色。醫生曰。汝何見者。倭利物自車箱中指曰。卽此屋中。醫生曰。此屋何爲。御者停車向此屋。又問倭利物曰。屋中何事。倭利物曰。賊卽在中。醫生曰。確耶。我出視之。車尙未停。則已飛躍而下。以足蹴門。門

中。有。駝。背。者。啟。關。言。曰。何。事。醫。生。卽。禽。其。領。曰。行。刦。耳。尙。云。何。事。駝。背。怒。曰。豈。但。行。刦。直。謀。殺。矣。如。汝。之。淘。淘。何。爲。又。何。爲。禽。我。弗。釋。醫。生。曰。沙。克。司。安。在。汝。非。同。類。耶。駝。背。者。大。異。且。怒。力。脫。醫。生。之。手。向。內。而。趨。肆。罵。不。已。方。欲。閉。關。醫。生。已。跨。門。而。入。引。目。四。矚。其。中。乃。一。空。屋。倭。利。物。言。尙。有。樹。今。乃。並。樹。而。無。之。駝。背。自。旁。凝。視。言。曰。汝。笑。如。其。來。其。意。爲。何。刦。耶。謀。殺。耶。趣。言。之。醫。生。曰。汝。曾。聞。天。下。有。人。欲。謀。殺。人。乃。白。日。以。車。來。耶。駝。背。曰。然。則。何。爲。淘。淘。汝。不。行。者。我。將。開。罪。於。爾。矣。醫。生。曰。我。欲。行。則。行。復。入。夾。室。周。視。仍。與。倭。利。物。所。言。一。無。所。似。遂。出。言。曰。吾。今。日。雖。不。得。據。必。有。一。日。得。爾。實。迹。駝。背。曰。待。爾。所。爲。以。何。時。至。我。請。恭。候。我。獨。居。二。五。年。有。風。人。之。名。焉。懼。汝。者。然。我。亦。不。能。聽。汝。游。行。自。在。語。已。進。擒。醫。生。醫。生。自。思。得。母。孺。子。誤。耶。因。出。一。金。錢。擲。與。駝。背。者。曰。汝。勿。聲。汝。得。酒。資。矣。遂。出。駝。背。仍。逐。出。門。外。咒。醫。生。不。已。醫。生。登。車。駝。背。且。至。車。旁。視。倭。利。物。眼。中。恨。恨。直。欲。甘。心。於。倭。利。物。倭。利。物。後。此。乃。永。永。不。忘。此。駝。背。者。之。眼。光。駝。背。仍。肆。詈。至。於。車。行。醫。生。迴。顧。尙。見。指。天。咒。地。頓。

足不已。醫生自知冒昧，則亦無言。久乃曰：「倭利物汝在屋中時，曾見有是人否？」倭利物曰：「無。」醫生無言。旋曰：「我終愚騃，縱使賊在我無寸鐵，進且無繼，何能取賊？卽有助力之人，得沙克司，則前此愚人之事，又暴之於衆。彼此印證，則余爲賊包荒之事，不發覺而呈露耶？」此真余冒昧之報矣。外史氏曰：「此醫生平生咸冒昧，乃不逢非幸轉無人不稱爲善人。今日爲駝背者所辱，頗怏怏，恨倭利物無實，亦疑倭利物妄言。後乃見倭利物坦然如恒，則又悔其冒昧，謂賊已滅迹，與此童子無尤也。白龍路居址，倭利物所知，車遂直抵其處。車至街上時，倭利物心躍躍而動。醫生曰：「白氏所居安在？」倭利物自車中指曰：「願車趣前。吾手賴矣。」醫生拊其肩曰：「汝勿促促，少須，面恩人矣。」彼苟見爾，亦且大喜。倭利物曰：「主人之見待詎可言宣。迨車旣至，則柴扉雙闔，再覓終不得白氏居。」倭利物哭然見門上有質條。醫生曰：「問之鄰家，或得之。」乃叩鄰家門，白龍路遷徙之地。門者曰：「弗知。當問之主人。」少須，出曰：「白龍路於前六禮拜赴西印度矣。」倭利物嗒然灰心，至於極地。醫生曰：「彼家人亦行乎？」曰：「然。」彼舉家皆出。

卽其平日過從之朋友亦與偕行。醫生趣御者曰：「歸歸！」倭利物曰：「既不得主人白龍路，彼書肆主人亦有舊恩。先生能容我一往否？」醫生曰：「孺子遇失意事，乃猶銳進乎？」吾生平每遇失意事，一之謂甚。不欲更覩大凡人交蹇運而所訪之人或死或屋燼於火，正未定不如歸也。倭利物無言。遂同醫生歸。倭利物雖在極樂之中，然不遇白龍路，意趣都泯。心怏怏不已。以此事在病中，冀望甚深，既至復失，中心之痛痛乃逾恒。且今日之行不獲直面恩人，卽欲明心迹，亦有不得。滄波人遠情懷，如何得達？而主人心鏡中不仍映一賊形而去耶？果使此生莫遇，則蓋棺之後，此恥仍不得滌然。新主之恩較之舊恩，如一更半月。天氣已暄，濃花蓓蕾，綠陰漸成。麥烈遂攜家人及倭利物赴別墅。舉家中重寶寄之銀行，命極而司合一人司家麥烈羅斯攜倭利物赴別墅。夫以倭利物生少不見天日之人，今日乃置諸水木明瑟花竹，便娟晴風朗旭之中，其樂又何極者？目之所接，身之所宅，均平安在春氣沖融間。倭利物至此似別生一世界。別墅牆上亂綠交織，多金銀花薔薇之屬，香氣芬芳，動人園中空氣至。

清蕪蘿搖綠於野樹之上。近處有墳。初無華表碑碣之屬。土饅頭羅列於芳草之上。苔紋滿矣。倭利物常至是間。思其母則伏地而哭。弗令人知。哭已。仰天則又謂其母。居於穹。吳哀亦立止。於是沿日尋樂似風。日亦爲此人晴美。迨晚。主人歡聚。初無空屋中之戒心。地非犴獄。入聲人耳。亦非盜剽之言。咸有迎人之善氣。每晨必至一老人家讀書。老人居禮拜堂之次。循循善誘。師弟乃親如骨肉。旣得假。則隨主母及女郎閒行於村間。迨晚則備明日之功課。別墅亦有小室以居倭利物。開窗繁花如繡。飯罷羅斯必調琴或歌。雅調倭利物生平不聞仙樂之音。神魂飄渺。隨繞梁之音而逝。至禮拜日。則同至禮拜堂。堂亦未廣。窗外一派綠陰。風過皆含香氣。村人至而行禮者。衣雖弗華。而皆嚴潔。其對越上帝。亦極誠切。異於城人之疏縱。夜中倭利物必朗誦聖經。俾主母聞之。以示其精進。六旬鐘已起。至草地。上采花。結爲花球。獻之羅斯。或陳諸餐席之上。尤有他事。則爲羅斯浴雀。日以爲常。匆匆遂逾三月。此三閏月中。倭利物匪特復原。而貌益加豐實。爲前此所未經之腴健。主婦女郎。亦愛之如

命。蓋此兩善人本極憐憫而倭利物報恩之心尤忠盡不遺餘力一家之人遂團結無間矣。

### 第三十三章

春花既闌夏令遂屆初來時村間新綠尙未排衙今則荒青老翠彌望無極前此枝葉尙覺扶疏今則繁陰交織不辨間隙卽倭利物亦復改觀如草木之萌長一日薄暮倭利物散步自外而歸月輪初上夜風吹衣飄飄然羅斯出時以乘興所行漸遠後此麥烈少倦遂徐徐歸墅羅斯既歸脫冠調琴如常狀先猶淡遠少須漸沈漸澀似有歎歎之聲麥烈曰羅斯汝何爲者羅斯不答按琴愈趣似欲備琴以激其悲麥烈見狀卽就琴牀視之曰汝哭耶究有何憂羅斯曰叔母我乃不明其所以然麥烈曰病乎女曰非病寒也又言曰少斯或愈幸閉其窗倭利物如言閉窗而羅斯尙欲強爲佳調兩腕已懈遂以兩手掩其面就榻僵臥始大哭麥烈力抱其身言曰吾兒吾乃未見若如是之竇女曰吾始猶力忍今乃不能以狀卜之吾似病矣方女調琴

時尙未上燈。及火至。則女之顏色冷同白石。丰度雖存。而一種嬌弱不勝之狀似已。  
憤懣不可自支。倭利物觀麥烈變色知事在危。迫然尙鎮定。則亦勉強無敢失次。已  
而麥烈勸女歸寢。女曰。明日晨興病當立愈。麥烈扶之登榻後出視倭利物。倭利物  
曰。女公子如何。或不沈頓。是或爲夜風所侵。吾見日中尙如恒狀。麥烈搖手止之。遂  
移榻就隅。瞰黑影中默坐。可半小時。少須顫聲言曰。倭利物我甚願無意外之事。且  
我與羅斯相處數年。爲狀至樂。或天厭吾福。故生此眚。然吾意甚願不至大拂。倭利  
物曰。老夫人何患之深。麥烈曰。我患彩雲易散。則老身胡以自容。倭利物赫然曰。安  
有其事。此上帝萬不忍爲。麥烈曰。亞孟。然尙扼腕不已。倭利物曰。兩句鐘前。女公子  
言笑如恒。胡至於是。麥烈曰。以狀觀之。爲病至重。明日或至增劇。嗟夫。吾親愛之羅  
斯。汝行者。吾將如何。語至此。始大哭。倭利物忍悲。而前力勸老夫人勿悲。言曰。卽爲  
密斯。羅斯者。太夫人亦不應。苦其萬全之體。以重密斯之憂。孺子意密斯盛年。而有  
墮德。老夫人又誠可格天。則上帝必不遽召密斯而去。說時。淚亦簌簌而落。萬不能。

忍麥烈撫摩倭利物之頂曰孺子所言固是稱語然亦醒我依託上帝之心媿年高傷心逾度故每遇是事神志輒昏且以吾年之高每見嫩蕊柔條迎風先萎想上帝至公必取其良善者升諸清虛之府較諸塵間爲樂故上帝之旨務在必遵語後拭哭復如前之靜致倭利物大異其尤異者則部署侍病之事咸從容若無事焉畏懼曰余首無恐怖性遇家人之病輒慌忽如廝人退憶先母太孺人在時遇此等事賴定不驚部署非井幹二十一年嘔血傾盆家人皆哭先孺人撫慰終身令定則指麾鹹獲執役如平時延醫處方成如常度迨舒病起先孺人始告人曰吾若手足無措者甯不增病入之恐耶恐之即益其病矣紓聞之泣不可仰今諱是害不期感念亡覩不增蓋

倭利物年幼烏知大人長德有堅定不搖之力者是夜衆皆無聊明日果如老人所料羅斯熱度大煽麥烈語倭利物曰此非憂慮之時宜鎮靜以部署病中事此間有書汝付之郵局延醫生洛斯朋至汝但至村間爲路可四英里付公車所住之逆旅汝命郵人以馬至吉德西倭利物無言得書將飛越而出麥烈沈吟曰尙有一書吾今宜發耶或待羅斯病勢何若乃更發殊不能自決倭利物曰此書得毋亦赴吉德西者吾將挾之同行麥烈無意中竟付倭利物倭利物觀封面所書則海雷麥烈也

下署某爵帥府中。倭利物亦不審其地。但曰。此書亦付郵政乎。麥烈曰。歸我俟明日更發。語後出錢付倭利物。償驛馬之費。倭利物得錢大奔。越小陸行。有時行入麥穗之中。其高可三尺許。繞出隴上。則田人方刈麥。倭利物大奔。及於鎮中。汗出如灌塵土滿身矣。既至訪逆旅。但見白牆之銀行。紅牆之酒坊。黃牆則市廳也。尋在轉折處。有廈屋以綠漆寫喬治皇帝御容。知爲逆旅。遂入。遇一小子。方假寐於門次。卽一與之語。小子則告之御人。御人轉述之肆主。肆主長身而高冠。著長靴。方倚柱剔牙。聞言卽向櫃中覈馬值。倭利物予之。卽命一人轡馬。著號衣。遲可十分鐘。倭利物幾欲以身上馬。寶書而往。已而馬備肆主以小囊予之。令趣行。馬遂奔騰出村而去。倭利物本卽歸。出門時。卽與一人相觸。其人視倭利物曰。汝遇鬼耶。倭利物謝過不遑。以爲心急於歸。不期奉觸。其人仍怒視。則自言曰。此人何爲在是。非有人者。吾立死之矣。倭利物見其眼光四射。則仍鞠躬曰。吾乃無禮。不省先生曾受傷否。其人曰。死孺子早宜爛矣。胡在此言。已將掊擊之前趣竟。仆然尙摩拳作欲擊狀。倭利物大驚。

入肆求主人緩煩。主人出而引起其人。麾倭利物趣行。倭利物逃而自思。今日胡乃接此死人。既至遂忘其事。而羅斯之病益重。未及半夜。人已垂暈。村醫已前至侍之。牀前未嘗遠離。見羅斯病狀。亟稱危險。言苟得愈者。爲幸。乃萬狀。是夜。倭利物每寢。輒醒。旣醒。必近樓次。竊聽動靜。卽於榻中。一聞足音。亦恐。噩耗。蓋時之難忍。如囚待決。明知事之無濟。乃坐視不能爲力。卽欲分其痛苦。而亦無益。時已遲明。家人均無聲。竊竊作小語。鄰居知狀。亦恆悵望於門外。婦孺咸搘淚而去。倭利物不敢居家。恆盤旋門外。時時望樓窗。不止。至於夜深。醫生洛司朋始至。旣見病狀。言曰。如此妙年。如此仙姿。如此善人。竟至於是。希望殊少。可悲也。於是又一夜。陽光復上。此陽光之明燦。若不審。此人家之有病女者。卽野花村樹。仍欣欣向榮。一無所涉。蟲鳥之聲樂。不自禁。而少年之羅斯。正似懨懨待斃。倭利物淚痕滿面。奔至亂墳之中。席地大哭。顧倭利物所履。地鶯聲滑。雜以鴉聲。倭利物引領仰觀。自念。如是韶光。亦死人時候乎。羅斯安得死。卽此三尺斷墳。豈爲藏矯之地。童子之心。謂死者必老人。若少年。

人初無死者。旣聞禮拜堂鐘聲。聲聲不斷。似爲送殯之鐘。少須見一羣人至墓。咸非凶服。則以死者爲夭逝之人。棺後有母隨之而哭。然而陽光如故。鳥聲之樂如故。而死者已矣。倭利物不忍視而歸。道中但思羅斯之恩意。則自咎報恩之未盡。力盼其生。自盡。惄惄。顧此來。自審初無辜恩之心。而終以爲未盡。讀吾書者。當知吾輩平日之待人。尙須留意。設此一人爲吾至契。吾無狀。忽與失歡。其人不幸歸諸重陰。則何從更起。九原與之謝罪。計惟先事預防。勿爲孟浪可也。倭利物旣歸。則見麥烈坐於客堂之上。倭利物見狀大震。謂夫人長日不去病榻。今忽在此。必有凶耗。卽進問病狀。麥烈曰。羅斯睡矣。更醒之時。非立瘳者。卽爲淹忽之期。於是媼及倭利物。皇皇然靜坐以俟。餐陳一不之御。盡撤而去。二人但觀日影。積漸移易。至於光力自黃而紅。知將西落。耳中忽聞革靴之聲。似醫生下二人狂起迎之。醫生入矣。媼作顫聲曰。趣見告。羅斯如何。厥聲如呻。醫生曰。馬丹少靜。麥烈曰。嗟夫。吾親愛之孺子。決然無望矣。容老身觀之。醫生曰。不死。上帝仁慈。密斯羅斯尙能延齡。爲吾輩之福。麥烈陡跽。

## 於地立量

### 第三十四章

此消息至佳。當者不復能受。立有此量。倭利物喜極亦如受巨棒。立如木偶。不哭不笑。莫知所爲。聞醫生言。幾不知所謂。立奔門外。迎受空氣。腦氣立清。始縱聲哭。哭後心中抑塞。立爲釋然。歸時已暮。博采羣花編爲花球。備明日陳之。病人樓中正行道間。忽聞有車。逐人而至。路狹。馬迅。倭利物少避而過。車中人加睡帽。似曾相識。然車迅。乃不辨其爲何人。少須此睡帽者。自車窗外盼。令御者停車。大呼曰。倭利物。密斯羅斯。如何者。倭利物立奔車次。曰。極而司汝耶。忽見有人推極而司。自仲首於外。問曰。密斯羅斯。如何。汝但作簡語。爲愈爲否。趣告我。倭利物呼曰。愈多矣。此少年曰。謝上帝汝言。確乎。倭利物曰。確愈。尙未久。前數點鐘。洛司朋先生言。可以無虞。車中少年立下。以手捉倭利物於道旁。曰。汝至確。不謬耶。幸勿愚我。倭利物曰。決不奉欺。先生言。密斯羅斯。尙能延齡。爲吾輩之福。此吾親聆其語者。此少年以首他顧。作

嗚咽聲。倭利物不敢更言。則僞爲看花。此時極而司亦以素巾拭眼淚。而二目已少腫。少年語極而司曰。極而司汝先行。告吾母。言吾已歸。吾當徐行。勿猝驚老母。極而司曰。密司忒海雷尙以車人先行。老僕亦欲徐行。以老僕眼腫爲小奴所見。則後此無有權力足以制伏其人。海雷笑曰。如此亦佳事。今先命車人以行裝歸。汝隨我行可也。惟爾戴睡帽。宜一易。不爾令人觀之。不以爲狂易乎。極而司悲極忘其爲睡帽。聞言則亟取冠易之。車已先行。三人遂緩步歸。行時。倭利物竊觀此少年。可二十五歲。身爲中材。狀至坦白。英挺舉動安詳而嚴重。雖與老夫人年歲迥殊。然亦有酷似者。倭利物見狀。決知其爲密。昔司麥烈佳兒矣。迨既至家。麥烈卽與語。母子久別相見。皆感動。麥烈曰。海雷。海雷卽小語曰。母何爲不趣以書示兒。麥烈曰。吾書固就。又思少待。醫生決言。始發海雷曰。如是重事。胡待醫生決言。果羅斯句。又曰。此字吾殊不忍出諸口。卽母親旣多後悔。兒亦無復終身行樂之日。麥烈曰。果羅斯。如爾所言。樂趣已無。卽早至一日。亦有何益。海雷曰。誠然。惟兒所言者。果爾。非謂羅斯果能。

至。此。也。麥烈曰。羅斯之善必得一鍾情之人爲之偶。始可不爾。殊屈其人。故吾之飭爾。歷練於外。俾學成足以自立。然後始無愧爲之儻。故老身始操心。至是令爾勵學。海雷曰。母責望太重。詎兒邇來尙。鹹。莽。足以。貽。母。之。夢。耶。麥烈拊肩言曰。孺子。吾謂少年氣盛之人。萬不能脫於鹹莽。果我如爾意之所出。則汝必謂天下事固易易。凡人輕諾者。必寡信。敗約正復難料。況羅斯之母。頗不直於人口。汝慨然論娶其人。一中於人言。汝必不堪。而羅斯經爾譽辱。又焉堪者。海雷頗不憚誓。曰。兒果有是心。則直爲已之小人。且下情於畜類。豈足匹此。玉人。麥烈曰。然則孺子自信堅矣。海雷曰。然。二年以來。無日不籌維此事。覺愈思愈心契其人。且兒之決言爲行。思之非復一日。母今蘋果不兒許者。則直棄擲孺子之生趣。麥烈曰。阿母。正防爾年少。故加意防。維正爲孺子後來倡隨之地。今不復詞費矣。海雷曰。兒之得選。與否。聽羅斯決之。願母勿嚴拒兒之請。麥烈曰。可。惟當仔細更思。海雷曰。兒思之數年。胡待更思。且亦未中。轢。今茲待羅斯病可。卽直撫其胸臆。麥烈又曰。可。語次甚不著意。海雷曰。觀母意。

羅斯非麥烈之母也

嚮似卽求婚亦將不直於羅斯。羅斯詎有他意耶。麥烈曰。初不在是。海雷曰。非是母胡爲夷猶。或且羅斯意別有屬。麥烈曰。非也。羅斯意中亦必屬汝。惟吾願爾。將羅斯出身渺茫處。思之。羅斯非麥烈之母也吾恐羅斯亦將以母節不足示人。將以此拒爾。海雷曰。母昔兒乃弗悟。麥烈曰。後當自明。吾亦弗宣。將入病榻中省羅斯矣。海雷曰。今夕更當與母言。母許我乎。麥烈曰。一出病所。卽到是間。海雷曰。請母示羅斯言兒歸矣。麥烈曰。可。海雷曰。尙欲煩母。告羅斯言。吾聞病焦煩。幸使羅斯聞之。麥烈曰。如爾所囑。方二人語時。醫生及僕利物卽在複室。海雷送母登樓。卽入複室。與醫生語。海雷詢問失後病勢。醫生一一揭示。醫生語時。極而司方啟行僕。亦側耳聽。醫生述狀。是日午後。衆聚談極樂。海雷雖罷。而醫生議論風生。海雷亦頓忘其罷。僕利物。生平初未聞。上等人議論。聞之深以爲雅趣。殆既睡。則安樂無極。於是每日晨起。僕利物。仍如前狀矣。海雷亦晨起與僕利物偕出。授以花。所且教之編花之技。海雷每成一花圈。及珠。必令僕利物置之樓上。而瓶中之花。開窗受光。自樓下觀之。愈形鮮。

體。倭利物。每日進花。見羅斯雖易新花。而舊花尚不忍撤。則拾而藏之。而病態亦日有起色。倭利物無伴。則專意讀書。覺進境。乃亦不知其所以然。然於此時。竟有所最震恐。及最不及料之事。驀然相值。則魂魄幾爲之震。倭利物所居處。在最下之一層。居諸屋後。倭利物歸時。所溫習舊書地也。室精而陳設亦雅。窗爲方格形。四圍蒼藤。下垂奇馨。滿室窗外爲小園。圍以短籬。籬外細草如氈。一望無極。一下午夕陽將落。倭利物臨窗讀書。久之。而天氣蒸炎。倭利物讀倦。欲寐。然心中猶有知覺。而花香時時仍觸鼻觀。微風動葉。亦似見之。忽覺空氣中似有所塞。似又至猶太人賊窟之中。似法金以手指己身。另與一人語。又似聞法金言。此非其人乎。其人曰。然是間人雜此孺子於萬鬼中。吾感能辨之。語極惡劣。倭利物陡醒。面窗一望。大震幾於不言。不動。此窗口則法金及一生人。其人兇狡無倫。且怒顧一見。猝如電撇逝矣。然彼此皆覲面。倭利物如逢鬼物。少須跳窗而出。大呼求助。

家人聞聲爭集。見倭利物顏色頓變。以手指門外。但曰。猶太人。猶太人極而司初不了了。海雷夙聞其母言。則已悟。及取木棒言曰。彼何適。倭利物指其所嚮。言曰。吾跳窗稍緩。彼已遠逃。乃不省。潛伏何處。海雷曰。必伏溝中。爾輩趣從我。遂縱出短籬。極而司旣胖碩。則亦力追。醫生聞行。亦跳越而出。且跌且追。追時間所由來。海雷前望已不見賊。則於溝中覓之。方其覓時。三人皆逐及之。卽以狀語醫生。顧乃不之見。並地上足印無之。憑高四望。人蹤渺然。左嚮有小村落。計不能奔迅。卽赴是間。右邊有叢樹。然以時計之。亦必無及。海雷曰。倭利物誤耶。倭利物曰。吾目矚其人。同與公子相對一致也。醫生曰。又一人者爲誰。倭利物曰。此人卽在逆旅中。與之相觸者。海雷曰。汝確見其趨彼間耶。倭利物曰。吾在窗間。見此兇人跳籬而出。猶太人則出自籬扉。及追時已渺。海雷及醫生咸愕然。謂孺子所言。初乃非夢。胡以匿跡如是之速。海雷曰。奇哉。醫生曰。勿論。吾輩卽巡捕至此。亦且無術。顧此四人尙覓至傍晚始止。海雷尙令極而司至酒肆。僨伺且示肆人以狀。懸賞購此二人。及極而司歸。言不得兆。

明日更以人往。仍言不見。海雷尙引倭利物至鎮上詢訪。終不獲。逾數日。即亦忘懷。不念。正於此時。羅斯已愈。能與家人爲歡。談吐甚樂。然倭利物恒見母子作耳語。羅斯則微有淚痕。深以爲異。及愈後。醫生告歸。而母子及羅斯狀乃愈劇。倭利物知有重事故。家人戚戚。至此。一日。羅斯居餐房中。飯罷。尙枯坐。海雷入移榻近之。曰。羅斯。吾尚有言。奉白。想吾所言汝當知之。卽吾心事。汝亦或知第吾未敢明示之爾。海雷入時。羅斯色立變。倭利物以爲病後恒有之事。羅斯則側身以手弄盆間花。朵似待海雷發問。海雷曰。吾早欲行。羅斯曰。早行當也。惟此語。當恕我。我非不欲公子甯家者。然以私意。吾仍以早行爲當理。海雷曰。汝曾否知我此來。蓋爲惡消息來也。心中蓋有一人。惟恐失之。失此則終身之希望。驟矣。羅斯。汝知此。遭之病在存亡。呼吸間乎。語至此。羅斯珠淚已滴於花心。花心受淚晶瑩。如轉明珠。蓋美入之淚。不宜委諸塵埃。故以名花。承之。海雷曰。此一人爲安琪兒之化身。上帝正在此。欲召不召之時。嗟夫。羅斯。吾以爲汝將歸其所。臨凡之原處。詎知仍留紅塵之中。與我日遙。日漸有。

起色而我之驚魂走越亦漸漸凝結歸諸吾身且汝病態復蘇凡少愈一寸而吾之  
眼光卽寸寸隨汝而移汝幸勿以今日之言一如前日之不予以希望令予輾轉不  
能自遂羅斯仍哭曰我初不言此但願爾趣別此間用遂爾前路之功名海雷卽引  
其手曰羅斯汝乃望我以飛騰我若不得汝心者尙何飛騰之望嗟夫吾親愛之羅  
斯我之愛爾非一年矣但望遂我微名歸時與卿分之今茲名譽未立宦亦未成但  
掬此一心貢諸吾之愛曠用爲孤注蓋此心本來屬爾我亦不能不獻羅斯拭淚言  
曰君平日操行高潔待我以誠又復以愛今旣不見棄當聽我之微言海雷曰太抵  
欲鼓勵我以上達足以爲卿之偶乎羅斯曰否甚欲令公子忘我且非但忘朋友之  
情且立斬夫婦之愛天下之大多美婦人何所不得吾今願以至忠至誠爲朋友之  
交情奉報公子語至此掩面復哭海雷曰羅斯之不見答能否告我以狀羅斯曰知  
之可也欲移易吾意則萬不能得須知吾之不答正關名義匪特關君門望亦以表  
我貞操海雷大驚曰我乃弗解羅斯曰汝尙不自明耶我旣無父母又無期功之親

卽受姓亦不審所從來安能冒昧遂我私圖使凡素之女郎縛繫君身使功名弗利且令社會鄙君我自問非辜恩之人何爲使公子淪於不復伸眉之地海雷曰或汝意初不屬我姑以名義句語未已羅斯色頰卽低聲止海雷曰吾無其事並無其心海雷曰旣不爲此我貢君以心曲胡乃無一詞見報羅斯曰我自問此事果後此不足以累君者我決句海雷曰此決字謂決許我耶趣盡言令我心舒泰羅斯亦欲竟言卽復止曰胡必論此傷心之事在我固屬傷心然後此足用以自慰者亦正在今日謂系出寒微竟有公子見愛甯非幸耶海雷出矣更圖相見相見但存友誼今日之聚可云愛之盡期且吾一日無不私祝公子騰達海雷曰更有二言吾心蓋不了了但乞爾以簡明了徹之言報我羅斯曰公子當知爾之前程不至廣大耶君家戚畹咸躋通顯足以爲公子之輔者比比而是吾果自安於貧賤則人亦不舉吾名果欲存攀附之心則吾轉以惡名貢諸吾生身之母令舉世宣暴其短今但一言爲決曰吾姓上有絕大之汚吾今但留污於一人之身萬不願令愛我之人亦蒙其辱海雷

長跪於地。言曰。吾親愛之羅斯。吾至不幸。爲世右族。果吾爲無名之人。則爾之視我亦當不峻拒。如是矣。請更見告。羅斯曰。爾何爲見迫。至是殊有乖於公道。海雷曰。我知爾答詞。如是然固欲聞之。汝不觀他事。但觀我心之懲。爾何妨破格爲我一言。羅斯曰。然則告爾矣。但得爾門地。不如是之高者。不至貽君家以惡名。則亦甘爲公子之助。今蒙公子青垂。至是吾心已足。若勢分更可以嫁者。則何嘗不樂。樂且無藝。語時亦歎歎不止。卽伸手言曰。吾淚禁之不能。今當以別爲上着。吾行矣。海雷曰。尙有一事。幸勿爲最後之語。更待一年。或事勢變易。更與汝提此議。又不果。則爲最後之決不可耶。羅斯曰。欲力變吾堅貞之志。又何能者。語已而笑。顏色至慘厲。海雷曰。但願一年以後。宗旨如舊。吾亦決不再犯矣。羅斯曰。可。惟傷心之局。又延宕一年矣。於是二人復接手。海雷納之懷中。復親其額。立奔而出。

### 第三十六章

明日侵晨。海雷就簷時。醫生知海雷欲行。卽曰。半旬鐘間。汝宗旨變耶。忽而孝子忽

而變爲吾伴用盡朋友之情。昨夕告我不待太夫人及密斯起時。即欲外出。致倭利物。不敢采花。乃急圖送行。此事非爾肇之耶。倭利物汝觀之。彼焉對汝者。倭利物曰。先生行。且同密司忒麥烈同行。童子胡敢不送。醫生曰。佳孺子。異日至吉德西時。必枉。我又語海雷曰。汝行趣得母尊叔以手諭來。速若行。海雷曰。季父初未有事。且此時尙無事。可以勿行。醫生曰。既不爲此奔波。何爲令人莫測。想今年耶穌誕前。汝可至議院矣。海雷曰。未定也。少須車至極。而司進取行僕。醫生亦出。海雷引倭利物曰。有言告汝。同至窗下。言曰。倭利物汝能書矣。倭利物曰。然。惟文字不能自達其意。海雷曰。我此去歸期尙遠。願爾以書予我。半月必一次書。但寄倫敦郵政總局。我自往取。汝能允否。倭利物曰。此寵我之事。胡敢不承。海雷曰。書中必言吾母及密斯麥烈如何。書中必無事不言。讀書何許。家人所言何事。彼斯指羅。起居飲食樂趣。如何必無遺漏。始可。倭利物曰。諾。海雷曰。汝作書時。勿令彼人知之。知之亦無礙。但不欲其勞擾耳。倭利物大悅。海雷尤再三慰勉倭利物而行。時醫生已登車。極而司啟車門待。

海雷海雷仰首望樓窗卽慨然登車而去旣登囑御者曰汝必趣行鞭聲動而車已飛越送者但延佇以目至於不見始止尙有一人凝盼此車車已渺然而眼光尙注蓋羅斯之隱於紅樓簾影間當海雷仰首時羅斯倩影已伏其內因自言曰此人尙勃勃有生氣吾始以爲其人去時必怏怏今如是吾心慰矣天下人之淚有爲悲而流亦有爲樂而流者今羅斯粉頰上之啼痕固悲多樂少也

### 第三十七章

密司忒本特一日坐於卑田院客堂之中二日凝注不爇之爐以時在夏中爐不爇且無炭空空如也蒼蠅之籠懸於高處蠅聲喧鬧籠中本特而顧之而歎不已似心有所思一聞蠅聲卽勾起其愁懷不少旁觀者不但自其太息之聲揣之知有殷憂卽以其服飾言之亦有今昔之異當日之號衣及其高冠今又安在者但見所衣者爲寬博之衣非復公服卽頂上之冠亦尋常百姓所御者噫本特而今日非復公差矣天下人衣服之炫人足以助人儀表斯言乃正不妄如大將也主教也若彼貴

人。但觀衣冠已足。生人景仰。脫去大將之肩章。下主教之道坡。則人矣。非大將及主教矣。此二種人。一爲國家勳爵。一爲上帝聖徒。其所重者。亦託諸衣服而已。且二種人實爲小民所百思不到者。自密司忒本特而娶密昔斯考尼。其人爲貧婦院中主婦。而公差之爵位旋替。故其項上之冠。及金絲之袖飾。一時並脫。本特而太息曰。明日者爲吾完娶之。二月期滿。然以時考之。類數年矣。且以吾身售諸彼婦。其值特銀羹匙六。糖鑑二。半乳壺一。尤有一半新半舊之竹榻二十鎊之金錢。如是而已。不幾賤售耶。於是連呼賤售不已。卽聞其後有人作鄙聲曰。賤售耶。卽以一文買汝。尙稱爲貴。吾以何價買汝者。貴矣。貴矣。此恨上帝知之。本特而迴首而眼光正射。注其賢助之面。考尼自屋中出。僅聞賤售二字。卽疑度其自艾自怨。以辭試之。顧已中矣。本特而作色言曰。密昔斯本特而婦人亦作色曰。何也。本特而二目兜露。言曰。請爾視我。目光以爲平日用。此目光射窮人。窮人皆俯。今日卽以此試其妻。若仍弗懾者。則生平伎倆盡矣。外史氏謂窮人之畏。彼眼光必胃中無薔。故壯氣不伸。見光而懼若。

考尼者。腦滿腸肥。精神威猛。胡能見屈。則笑之以鼻。此笑直出本特而意料之外。先則自疑。既乃生懼。即復仰視蒼蠅之籠。無敢正視。已而考尼之聲動似醒。其大夢言曰。本特而汝今日卽以假寐過時光耶。本特而曰。我坐是卽如吾意。吾雖不假寐。然嚏也。伸也哭也。均我主之爲吾之特權。考尼曰。汝安得有權。本特而曰。然吾據爲丈夫之權。可以發命令而驅駕人。而密司忒。考尼之未亡人。卽答曰。女人特權。又安在。本特而曰。女子何權。但有聽令爾。前夫能如吾所行。其人或尚生也。然考尼見本特而偏強。如是知交鋒之時至矣。惟先發者。始制勝。迎擊。卽在此時。則立據巨榻。號咷大哭。咒誓本特而爲貞義之畜生。顧欲以眼淚潰本特而之心。於計良左。蓋本特而之心堅如金石。本沃弗入者也。如戴皮冠。經雨愈勁。況眼淚者。敗人之所爲。本特而自以爲戰勝。其妻爲意甚得。視考尼作恭慎之言。曰。汝欲恣哭者。不拘汝以時。此亦體操一類。足以增人體力爲功。非鮮。旣開肺氣。且足洗而降其無名之火。哭亦有益。於身。本特而旣授其妻以良方。則取冠。冠之。其狀甚偏。此爲得意人之舉動。將徐徐。

出門而去。行時高視闊步。無復拘檢。然考尼之技勇尙不止。此特以淚者取之。無禁用之不竭。削人至便而速。既見此技。不售則易之。以拳勇。拳勇之下手處。但聞腔然作聲。本特而之冠。騰上空際。飛舞而下。第一擊既去其冠。第二著卽扼其吭。以巨靈之掌。連批本特。而老頰疾如風雨。更參以他技。抓其臉。擇其髮。旋知足矣。極力推之。立跌於巨榻之上。指而斥之曰。汝後此更敢據丈夫特權否耶。本特而此時無聲。無臭。考尼忽作赦書曰。起之。汝以身向外。不爾。更有嚴刑加汝。本特而俯而拾冠。以目視大門。尙夷猶未行。考尼曰。汝不行耶。本特而取冠斜施而行。尙言曰。吾何嘗不行。吾親愛之人。汝胡爲矯曠如是。我幾旬時見考尼俯身理地。虧防更起擊。則立奔而出。本特而此舉乃不自料。旣出則思復仇。先微巡貧婦之院。一周。忽至一澣衣之所。未入時。聞言語甚囂雜。卽怒曰。此等婦人禮宜敬。我乃推門入。曰。汝輩胡叫囂無禮。至是岸然直入。顧一入門立。震其威。則所謂丈夫之目光。又適射考尼之而本特而曰。吾親愛之人。乃不審汝先在是考尼曰。汝不知耶。且汝至是何爲。本特而曰。吾經。

門次聞此中嘗聲喧應殊悖規律語時見二澣婦方竊議似指已短考尼曰彼卽喧  
騷與汝胡涉本特而愕然曰我句我句考尼不及待卽曰言我何也本特而曰汝長  
是間防爾無暇我代爾勞考尼曰實告汝吾所行事爾莫能干汝行矣本特而欲行  
忽見二澣婦附耳竊笑則大怒以爲揭舉已過仍挺立未動考尼大怒卽舉巨杓之  
皂莢水罵曰汝仍不行此水淋爾額矣讀吾書者須知本特而此時胡能不行既出  
而此中笑聲大作矣本特而自歎生平已矣身爲國家公差乃一鑄級卽爲怕婦之  
人變化氣質胡以如是之速爲時僅二月耳若在此二月以前不特可以自主並足  
爲他人之主今何言者盛氣欲出而待門之童子竟爲本特而力批其頰始出游行  
半日氣乃盡平遂至一酒肆中小飲肆空但有一人不知不爲人所遇卽徜徉而入旣  
入索酒室中已有人獨酌體甚偉碩衣寬綽之外衣汙泥點點似從遠道而前本特  
而入而略視不與爲禮獨坐自酌且披讀報章狀甚從容顧天下有一定之理二人  
共處雖不交言必互相竊視本特而視此人時而此人亦竊視本特而二目相觸本

特而則力避之。迨彼此互視。其人言曰。足下張望於門外。得毋尋我耶。本特而曰。我不審足下在此。足下得毋爲密司忒。句本特而語至此少停。意欲得此人之姓氏。令其自言。其人即答曰。足下乃非覓我不爾。則我之姓氏必能知之。今旣弗知。則可勿問。本特而曰。我亦不必求索。語後寂然。久之。其人言曰。鄙人曾見足下。足下前此服飾。初不如是。殆變服矣。足下前不嘗奉役於官中耶。本特而愕然答曰。然。其人曰。前此固爾。今改業何作。本特而曰。我今爲貧婦院院長。其人曰。院長耶。今使有益於足下者。足下當能以坦然相示否。本特而曰。人旣娶婦。則有家矣。利益之事。較未娶者。嗜之逾酷。似我官司。亦正清苦。果有金資。得諸正路者。固亦不辭。其人微哂似許可。卽掣鈴。備保旣入。其人卽以本特而空杯授之。曰。取冽酒。復謂本特而曰。足下於酒性好冽耶。本特而作咳聲曰。可。句又咳曰。第不可過冽。其人曰。備保汝識之。少須。備保出熱酒。本特而試嘗。辣性穿眼。淚簌簌落門。閉其人曰。足下聽吾道。憚福。吾今日下鄉。本欲訪足下。似有鬼神所詔。無心中。足下竟來。吾意欲訪君以事。事出細微。

然亦非枉足下者。此物且先哂納。語時推兩金鏹於本特而前。本特而取而視之。辨其真僞。遂納諸衣囊。其人曰。此時意請足下追憶十二年前事。本特而曰。爲時久矣。第足下試言之。吾當領會。其人曰。地爲卑田院。本特而曰。更言之。曰。時爲薄暮。其事又爲收養私誕小兒之地。有一小兒。即生於是間。本特而曰。是中育小兒匪少。其人曰。我所問者。卽一瘦小之兒。曾在市櫓肆學藝。復從彼中逃向倫敦。本特而曰。然則爾所言者。卽僂利物小忒威司忒耳。此人我殊了了。其惡稔矣。其人曰。我非究此子之蹤跡。所問者爲一老嫗。卽彼母生產時爲看護之婦。今其人又安在。本特而已醉。則笑言曰。今實不審其人安在。似世間無是人矣。其人曰。汝究何言。本特而曰。去冬物故矣。其人聞耗。則二目凝注。不知其爲樂爲憂。片時無語。久始曰。初無他事。卽此已得語時。立起且行。本特而者。狡猾無倫。知所問者必祕事。然吾妻知之。今當就是人生財。以沙雷死日。卽彼夫婦定情之日。故憶之至悉。雖其妻未發其祕。而心中固知。沙雷之死必有祕事。爲妻所知。及見其人將行。卽曰。尙有一婦人。於死嫗未逝之。

前有長篇之語果足下欲聞尚可一見聽其敍述此人聞言卽張皇問曰此人安從得之本特而曰但有鄙人知之其人曰以何時見本特而曰明日其人曰以明晚中九旬鐘卽出鉛筆書地名手顫不已付本特而曰明日九旬鐘汝以婦人至吾所書示汝之地我亦勿待言其祕密此事自關爾之利益語後付酒值遽行出時初不爲禮但曰明日九旬鐘勿忘勿忘本特而待其去後出紙視之則不書其名卽復出門詢之其人曰迹我何爲本特而曰明日奉謁何由問君姓氏其人曰孟克司語畢竟去。

### 第三十八章

明日九旬鐘爲炎蒸之天氣雲片四集雨點厯落至巨以狀卜之且大雷雨此時正本特而夫婦行經陋巷之中地近太姆斯河次去本特而家已一英里有半夫婦均著舊外衣一以蔽雨一以高領壅蔽其面不聽路人見之本特而先行手一不然之燈前引時時反顧其妻所蔽地爲宵人攢聚之區名爲小賈實則狗偷屋小如籠或

以土墼堆疊而成。或補以破舟之板。開門即見河水。尙有破船臥之岸。次年久亦垂爛矣。並有斷梁腐繩。積疊無數。初見似尙可用。實則陳腐已久。弗適於人在羣房中。有一巨室。門亦臨水。似當時爲工廠之類。今亦頽廢。蠹朽欲傾。其尙未仆者。似留待機會。乘勢而委夫婦至此而立。雷聲已震。雨且大。至本特而取紙觀之。言曰。此間當未甚遠。忽聞危樓之上有人呼曰。至耶。本特而循聲上仰。則見有人居第二層樓。俯身下視。曰汝少須。吾卽敢關。考尼曰。吾所定者。其卽是人乎。本特而點首。考尼下令。曰汝見彼人切勿嘵。嘵一發。吻彼人探吾祕。吾利喪矣。本特而未答。孟克司卽招手令入。考尼先行。本特而隨之。旣入。孟克司曰。汝胡爲遲留不入。本特而曰。門次少乘涼風。孟克司曰。汝生平宜在地獄受焚詎此一二點雨足沃汝耶。語後目視考尼。考尼固有膽力。然亦無敢正視。則注目下視。孟克司曰。此婦人卽爾所言者乎。本特而違婦言。但曰。然考尼視孟克司曰。汝意謂婦人心中不能堅守祕密。卽生疑乎。亦以目報之。孟克司曰。婦人固能守祕。然取之亦易。考尼曰。安見其然。孟克司曰。婦人之

祕事。果與其性命名譽有關屬者。始不敢傾囊而出。考尼曰。是奚不然。孟克司曰。以此觀之。汝自弗言。遂招手入一廣大之室。更引登樓。及於梯次。則電光暫過。巨霆作聲。屋爲之震。孟克司掩耳曰。雷聲良足震人。半日無言。力掩其面。久之顏色慘變。言曰。我病恆忡。聞雷輒悸。今愈矣。遂登。旣登。則力閉其百葉窗。屋上有燈。以轆轤引繩。用以上下其燈。遂縱繩。燈光頗微。隱隱中見有敗榻數事。圍一圓案。孟克司曰。茲事以早了爲上。且事爲此婦人所與聞。話時固嚮本特而考尼。則疾答曰。知之。孟克司問考尼曰。此男子言當時有病嫗臨命時。曾有語告汝。是乎。考尼曰。然。病嫗所言。卽孺子母之軼事也。孟克司曰。我之所言。第一語卽問爾病嫗臨終遺囑。究爲何言。考尼曰。此語。迨爲吾之第二語。吾之第一語。蓋云傳此消息。應值何價。孟克司曰。我尙未知此消息。曾否有利於我。胡乃遽授若價。考尼曰。君不定價。則我又向何人取價耶。況其中固有宜得重酬之物。孟克司曰。是中果有重值之物耶。考尼微語曰。語後更品其低昂。此事可虛可實。孟克司尙欲以語訶之。曰。病嫗死時。曾否有物佩諸身。

次考尼曰趣定價吾早知此消息必有以重價相市者今主人其卽市我之人矣蓋考尼之祕本特而一不之知故聽者殊不止孟克司卽本特而亦駭爲未聞孟克司作色問曰汝究索價何若考尼曰吾所欲者示所值如何請自裁決孟克司疎或且不值一錢或且可至二十鎊趣言之以定可否考尼曰適所言者必於二十鎊上更加五鎊予我我言之矣惟先與以金而後發言不得錢吾不汝告也孟克司向後而退言曰乃二十五金鎊耶考尼曰吾言汝乃弗聞爲數實非鉅孟克司曰數言乃取重值果不值一錢者奈何況事隔十餘年何復如是之貴祕考尼曰此事如沽酒愈陳者則索值愈夥汝言其人死乎然尙有生人在卽更隔十餘年亦必有人索其底蘊孟克司曰果先予錢而言者乃不能如值又將奈何考尼曰不值者尙可索歸我爲女子無人保護汝得之不易易耶本特而曰吾親愛之人有我在安言無護我料密司忒孟克司亦文人必不爲此暴烈之事尤當知我亦非無力之人當日在公執法甚厲果使吾性猝發烏能當者語時引手握手燈之繩以示武力考尼大怒曰愚

驥趣閉汝口。孟克司曰：此間安能獵語？汝果審進退，卽割舌亦不願爲是狂妄矣。囁汝二人爲夫婦耶？汝二人來時，吾固料及。於是納手衣中，出布囊數二十五金鏹，授考尼言曰：汝收此金，茲方有巨霆震聲止後，汝更爲我言之，而雷聲果在屋頂已而漸動漸沈。孟克司始引首聽考尼語。此時三人聚首一處，發語甚微，一燈如豆，然尙作光射。此三人之面四周皆黑，但見此三人顏色慘白，厥狀殆類鬼矣。考尼曰：方老沙雷死時，屋中卽我與彼二人面已。孟克司曰：其旁果無人耶？考尼曰：無之。其人似死我手中者，孟克司曰：可可。更言之。考尼曰：彼言昔有少婦，卽在此榻上生兒，因面本特而曰：兒卽爾昨日所述者。病母之身，有物爲沙雷所竊而去。孟克司曰：所得物售耶？考尼曰：彼語時已將就死，蓋言質矣。孟克司曰：此外無他語耶？是必更有所言。若不言者，則吾仍無所得。考尼從容曰：彼果無第二言，立時淹逝，然死時手中則堅握一物，吾劈而視之，則中有陳汚之紙。孟克司曰：中作何語？考尼曰：質券也。孟克司曰：所質何物？考尼曰：吾自能明其底蘊，以理度之。軀先藏此物，後以不得錢始付之。

質庫惟逐年付息不令期滿歸諸烏有意或得錢時則贖之迨死仍無錢故臨命尙執此質券吾得此知後此或且有用因贖諸庫中孟克司曰物又安在考尼出一羊皮小囊擲諸几上孟克司抓得之手顫如鬼寒歟之則小金匣其中髮一小束及戒指一考尼曰戒指上有安尼司三字尙有年月卽倭利物生之前一年孟克司曰此外無一物耶考尼曰無之本特而知妻語已畢此二十五鎊之金錢必不更落人手於是長呻拭其額汗考尼曰此事前後吾猶弗詳今欲轉叩爾以二語其許我耶孟克司曰問固許汝惟能答與否則又當別論考尼曰我但問爾所求之物是否卽此孟克司曰然第二語如何考尼曰汝得此何用汝得母以此物嫁禍於我孟克司曰不特無以害爾卽我亦脫然無害汝勿前前時防有性命之憂且靜觀吾作用也語後移其榻起地板中鐵環其下似有祕處本特而立退孟克司曰汝試下觀因挽燈置穴上且曰汝勿憂果我欲置爾輩於死者則入門時即可了爾性命今且臨觀惟勿怪駭考尼先前本特而躡步觀之穴中卽河水所灌處屋蓋木椿之上水作旋渦

而逝。厥聲至巨。孟克司曰。設有人墜落於此。明日尸身將不知其處。本特而曰。當在數十里以外。尸身碎矣。孟克司點首。取小囊擲之。微聞有聲。旋止。孟克司蓋穴板。言曰。物歸是間。永無見天之日。今無他言。請賢夫婦出此陋室。本特而大驚。言曰。行也。孟克司曰。汝此後尤當祕之。至爾妻。我則無復計慮。遂矯目視本特。而本特而退。行且行且言曰。少年人。汝自勿憂此事。我夫婦亦有係屬也。孟克司曰。汝頗知旨。試燃燈歸矣。本特而聞孟克司言。立然其燈。若更退數武者。立仰翻而下樓矣。本特而即於微燈中。然已燈靜。聽無行人。始出。孟克司送之於門次。本特而驚水穴。以爲一觸腐板。且立陷。遂趨前至門外。與孟克司少爲禮。卽冒雨歸。

### 第三十九章

一日之下午。沙克司在巢穴中睡。惺忪中問曰。何時矣。今沙克司所居地。非復前此之所居。然尙在此陋巷中。其陋較前爲甚。但有一窗。窗臨一小街。匪但於住居觀之。知沙克司將敗。卽證以他事。亦復非佳。屋中陳設旣無衣服。亦尠。沙克司則憔悴。

臥病。仰僵於榻。裏以寬博之外衣。冠垢膩之睡帽。髯長如馬鬚。大卽臥其榻下。時時舉目觀主人。又或聳耳聽門外足音。臨窗有女人方補綴半臂。其狀亦瘦無人色。觀之幾不類南施。惟聲音尙能分別。答曰。逾七點矣。爾今日如何者。沙克司罵曰。吾弱乃同水性。汝來扶我。我不欲更臥矣。沙克司雖病而性仍烈。則斥南施爲遲緩。批之。南施哭。沙克司曰。汝喫喫何爲。果不吾助者。分手矣。汝聞之乎。南施強笑曰。汝又妄有所度。我何嘗不聞若語。胡必苦苦與我作冤對。沙克司曰。我固欲與爾爲難。南施歎曰。吾侍病。恆累夜不睡。如侍嬰兒。今略聞。乃又責我。果能迴思。或不暴厲。乃爾。沙克司天良微動。即曰。我固不苦汝。汝何哭爲。南施拭淚曰。汝勿憂。我少須止矣。沙克司以爲咒其死也。復怒曰。我何事而止。汝趣出。吾不欲聞慘毒之言。此在平時。南施亦出。然此時累夜不睡。熱血上冒。立時而暈。沙克司以爲薦之。即醒。已乃無驗。則呼人臨助。時法金方至。即曰。何事爾爾。沙克司曰。汝不前助。遠立何爲。趣前令之醒。法金立前救護。雅克隨入。入時背囊。即委囊於地。迴身自郤立身取酒。翼立齋其塞。以

酒傾入南施口中。語郤立曰。爾取風箱吹氣於病者口中。法金擦其掌。沙克司啓其襟。於是三四人左右圍拯。南施微微蘇其知覺。奔至長櫈中偃臥。沙克司問法金曰。乘何惡風吹爾至此。法金曰。我非見煽於惡風。特以食物饋爾。雅克汝前出其佳品。上沙克司。我今日固費錢購此耳。雅克啓囊。逐物檢出。付郤立。郤立每出一物。卽極贊其美。最後則冽酒一巨罌。雅克滿斟上沙克司。沙克司立乾之。法金搓手言曰。以飲酒之狀言之。汝愈矣。沙克司罵曰。汝果早至者。吾不早愈耶。如是大病三禮拜之。久。汝胡不來。可云蠢物。法金聳肩笑曰。孺子。汝爲我聽彼言。我以物至。乃報我以惡聲。沙克司此時見食物羅列。卽曰。物固佳品。惟汝何以不來。直視我如狗。今日之來。尙何言。想爾必不爲視病而來。法金曰。我以事至倫敦。可一禮拜。沙克司曰。一禮拜。

在客。尤有二禮拜者。又胡不前。法金曰。語不復盡。吾敢以名譽爲誓。必不無心於爾。沙克司曰。以何物爲證耶。孺子趣切餅飼我。汝安有名譽。吾已格格欲吐。非以餅退之。濁穢。且上行法金曰。汝胡負氣。吾乃無一日忘汝。沙克司乾笑曰。汝亦念我耶。汝

造於暗中策我。我愈者必派我以事。尤知我方在困。隨爾所憚。儘可爲爾效命。今果無此女子者。我死久矣。汝胡名友誼。法金曰。汝安得有此女。非我貢汝。汝亦安得南施。此應吾功。南施起曰。沙克司。法金之言非謬。可勿促促而較。恕之可也。南施既前。室中衆情立變。法金以色示二童子。二童子爭斟酒。上南施。南施不能多飲。法金進以諛語。沙克司怒。少解。以沙克司累斥法金。法金不報。則亦無言。與酒杯近沙克司。曰。汝輩言纍纍。甚有術智。惟吾今日必欲得錢。法金曰。腰橐乃無一文。沙克司曰。爾家有之。歸拾卽是。法金揚手言曰。安得多錢。沙克司曰。汝惟金多。不能悉數。故不之知。顧無論如何。今日以必得爲度。不恤其他。法金曰。我命稚兒往取。沙克司曰。否。稚兒凶狡已極。汝遣彼行。彼必言迷路。或言遇捕潛返。種種讐言。孰能信之。欲去者令南施隨爾行。吾假寐以待。於是法金與沙克司商酌久之。所索五鎊之巨。則降抑至於三鎊四先零六辨士。法金尙言曰。我爲汝得。則吾家所留僅有十八辨士度日矣。沙克司沈吟曰。旣不得當。我僅能如約而已。南施少易衣履。待法金同行。法金鞠躬。

與南施諸人同出。既去沙克司遂寐。已而數入至法金家。託貝及吉忒林方爲葉子之戲。吉忒林仍敗。續出十五辨士。償託貝諸人。旣歸。託貝亦微愧。則取冠言曰。沙克司如何徑出。法金曰。有人見訪。未託貝曰未也。吾爲爾司家幽闥極矣。理當有以償我。語後拾所得之辨士。作不屑狀。從容而去。吉忒林見託貝行。即私念曰。我縱屢敗。然終服其能。法金曰。孺子時至矣。汝輩當更爲貿易於外。時已十旬鐘。今日乃無一物。語後。三童子取冠外行。旣去。法金語南施曰。南施少坐。吾將授汝以錢。出鑰匙。曰。此匙殊無用。惟櫬中所儲。均彼所竊之物。試思我有何物。加鑰者。此貿易無味。但翻口耳。吾生最喜童子。旣得數童子矣。不能不加以資養。吾勉力支持久矣。已忽納匙於襟間。曰。誰耶。南施踞榻坐。初不斂避。聞聲知爲男子。卽立去其冠。及領巾。納之几下。法金駭視。南施徐曰。熱也。法金亦不之疑。言曰。此人我蓋約之使至者。南施聽之。彼入汝可勿言索錢。幸彼無多言。言後。我卽付爾。遂以燈啟關。少須人入。則孟克司也。孟克司見南施。卽卻退。法金曰。爲是間女徒。卽曰。南施汝且勿避。而南施亦不之

視。迨孟克司語法金時。則又竊視其面。法金曰。孟克司何所聞而來。孟克司曰。新聞至鉅。法金曰。佳耶。孟克司一笑應曰。似未壞。此著吾行事乃祕同鬼神。今將有言告爾。遂以目視南施。欲令之行。南施以首他顧。如不之見。法金上指樓級。二人乃同出。南施聞孟克司曰。吾不更至前此。可怖之地。聞法金笑答言。則不了了。已聞樓板蔓蔓有聲。知登樓矣。南施遂去其履。以外衣裹其首及肩。側聞履聲息似已歸坐。卽以赤足登樓。藏於暗陬。二人均莫見。南施上可一刻鐘。卽歸座。著衣履。一人已下。孟克司出。法金復登樓取金。旣下。以燭置几。曰。南施汝胡變色。乃爾。南施曰。我乃未覺。法金曰。胡以面無人色。得毋病乎。南施曰。或道中冒寒耳。汝趣出錢。我行矣。法金每出一錢。輒太息一次。二人無言。遽別。南施旣出。欲暈坐於鄰家門外。幾昏昏不能辨道。而行忽爾。思及病人。則力馳而返。旣歸。尙帶惶怖之容。幸不爲沙克司所見。但聞曰。金鏹得乎。曰。得矣。沙克司聞已得錢。則仍扶頭而睡。明日則更以錢購甘脆食之。凡強盜旣得食飲。而兇頑之氣已略爲平。亦不深辨。南施之恐狀。但圖醉飽而已。脫

令法金見之者。則南施必且無幸。若沙克司者。但有獵暴冒人之習。胡能辨析入微。是日薄暮。南施之心愈憂。迨沙克司旣寢。南施坐俟其睡熟。顧沙克司尙據牀飲酒。杯盡復索。見南施顏色頓異。心中亦疑駭不止。言曰。汝今日顏色大類死人。何也。南施曰。無之。汝病後眼光視人。安能得人正色。沙克司執其手力搖之。曰。汝必有故。不爾必不變異。至此。南施僞笑。然身顫不已。沙克司曰。汝豈傳染吾病耶。或心懷異圖。將舉發吾。隱然而必不至。是南施曰。汝策我。何圖。沙克司曰。此特我之妄意。若汝圖我者。三禮拜前。足以致我於死。言已。自慰力盡。其杯復索藥。於南施。南施起傾藥水。雜以安眠之藥。沙克司飲藥後。言曰。汝坐此侍吾睡。勿更爲此慘戚之容。若不力改。吾將爲汝改之。惟改後。汝求復本來面目難矣。南施旁坐。沙克司堅執其手。以目注其面。少閉復開。如是者再。狀似懵騰。復又驚醒。張目四顧。後立睡甚。酣。手亦漸釋。厥狀如量。南施起立曰。此嗎啡之性靈哉。惟此行不審。能救之否。於是著衣取冠。時時迴顧沙克司。防其猝起。整衣後。復至榻前。與沙克司親吻。啟扉下樓。甫出廣衢之上。

卽聞叫旦之人呼曰。九點半鐘矣。南施進問近十點乎。其人曰。吾更轉一轡。卽呼十點矣。語後以燈照南施之面。南施卽行。自言曰。吾至彼不審能逾一點鐘否耶。且行且見沿街店肆皆閉其扉。遂縱步行面趨。有時所經處。幾欲俯身馬頸之下而過。左右之人趨避馬車。見南施犯險。皆爲慄然。及至廣衢。夜已近午。人蹤愈稀。路人見南施疾行。咸動疑駭。至有人力趨其前。視其面。南施不顧。極力而趨。垂至時道上。已無行人。南施所嚮地爲海德巴克逆旅。門外有巨燈。及時鐘動十一點。先猶遲疑不敢進。及聞鐘動十一點。遂決然而進。見司闈者無人。則張皇四顧。將直赴樓上。忽身後有人啟關。則一衣履整潔之婦人。問曰。客欲尋誰。如此忽遽。南施曰。是間有一貴婦。吾將訪之。此婦人鄙其衣履之敝。作不屑語。曰。汝乃欲訪貴婦人耶。貴婦人爲誰。南施曰。有密斯麥烈者。吾將與言。此婦人恥不與言。卽別呼一傭保。曰。汝與是人言。吾無暇與語。南施卽語傭保以欲見麥烈意。傭保曰。吾告樓上人。述汝爲誰者。南施曰。事屬重要。不必通名。傭保曰。卽云事也。究爲何事。南施曰。事可勿言。但言有重事求。

見傭保力推之曰此何能汝趣出此門南施大怒曰我決不能出非重被痍傷決不出此若與吾鬪者如汝輩二人者吾亦無懼語已四顫言曰此逆旅中尊客有能以公道待我者乎我無他圖特爲人傳語以窮故格不能入傷哉方南施與傭保爭時有數人聚觀及聞是言即有厨人出與其事言曰周汝胡不登樓爲彼一言傭保曰此等人者謂貴人能款接之耶尙有女使數人咸曰似此無禮之人直足辱及我輩胡不驅之門外南施曰待我傳語後逐我出門甘之今茲必爲我傳語當仰體上帝仁心也此時善心之厨人復出爲南施緩頰而傭保不得已爲之傳語於樓上方以足著梯級即言曰令我將作何語南施曰汝但言一年少貧婦欲獨對密斯麥烈果言之不衷但第一發聲即可驅我下樓無悔無悔其人趣登南施候於樓下顫色慘白身顛不已女侍則羣嗤其貧喋喋作私罵及傭保下樓傳語請面則女侍又譁然議論謂世道凌夷薰蕕無別善惡乃一加禮待矣又有人曰銅也金視之矣其第三人曰名爲貴婦肯見此人尙何名其爲尊貴南施如不之聞隨傭保上至於外舍中

懸一燈。備保遂出。

#### 第四十章

南施一生純於市廛上行所行處。又爲倫敦中濶濁之地。顧雖如此。而女人之天性。尙未淪沒垂盡也。及聞有纖步之聲。自內而出。自慚形穢。羞不自容。及此女啟扉入。南施視之。則嬌娜莊麗。一女郎也。南施觀已。卽俯首視地。言曰。吾冒見女公子。乃大不易。易果使貧婦負氣而歸。則女公子必有一日之懊悔。羅斯曰。店人無禮。吾心亦至。內慚。幸勿介介。今尊客見貺。究何教者。南施聞羅斯溫雅而慈柔。無一隙自高之氣。其事乃出南施所弗料。則感極而涕。以手掩目。稱曰。女公子果。界。上。如。公。子。者。能增多數人。則我輩亦可以銳減數人之數。羅斯曰。客坐。果貧不自聊者。吾力能至。必以。以。奉。助。今。客。坐。矣。南施尙哭。言曰。女公子聽。貧婦立且請。勿以溫語。見加果女公子知我生平。則萬萬不至加禮。如是今爲時迫矣。吾當簡質言之。此屏先宜嚴閉。羅斯大駭。退立曰。客何爲言。掩扉。南施曰。我所言事。旣係吾身。尙係屬數人之性命。

此事。安。可。令。旁。觀。聞。之。女。公。子。亦。聞。僂。利。物。自。本。東。微。耳。一。善。人。家。外。出。爲。一。婦。人。  
冒。爲。姊。氏。捉。之。而。去。其。人。卽。我。也。羅。斯。大。驚。曰。汝。耶。南。施。曰。然。我。自。有。知。覺。而。來。直。  
與。兇。人。同。居。生。平。初。未。聞。善。類。之。言。此。亦。不。辰。所。致。或。託。上。帝。之。憐。耳。羅。斯。大。驚。曰。  
此。何。如。事。乃。令。我。親。見。而。親。聞。之。言。已。卻。退。南。施。曰。女。公。子。宜。踴。謝。上。蒼。少。時。有。人。  
管。汝。不。至。淪。落。小。人。之。窟。宅。忍。此。飢。寒。失。其。本。性。羅。斯。曰。聞。言。殊。心。惆。不。已。南。施。曰。  
女。公。子。固。愷。惻。人。也。今。日。我。來。果。使。吾。同。居。之。兇。人。知。吾。命。決。無。生。理。女。公。子。曾。亦。  
聞。有。人。曰。孟。克。司。耶。羅。斯。曰。吾。安。知。之。南。施。曰。彼。尙。知。汝。故。貧。婦。始。迹。女。公。子。至。此。  
羅。斯。曰。吾。何。由。見。知。於。其。人。南。施。曰。然。則。此。孟。克。司。者。必。爲。僂。名。矣。自。僂。利。物。入。室。  
行。竊。時。卽。爲。君。家。所。留。吾。已。心。疑。此。人。行。狀。一。日。彼。與。猶。太。人。法。金。私。議。爲。吾。所。得。  
據。彼。言。則。僂。利。物。者。似。爲。孟。克。司。所。欲。得。之。人。吾。亦。不。審。其。何。故。但。與。劇。賊。法。金。熟。  
商。能。得。此。童。子。者。將。餌。賊。以。重。金。尤。將。教。此。童。子。爲。賊。者。則。所。售。尤。廣。羅。斯。曰。童。子。  
爲。賊。於。彼。何。利。南。施。曰。語。至。此。似。吾。影。爲。彼。所。得。吾。力。逃。直至。於。昨。晚。始。更。見。其。人。

羅斯曰。昨夕見時。又何語。南施曰。彼昨夕復來。復密語於樓心。吾防人影爲彼所得。則以大帳蒙頭。即門外聽之。前半之語吾不之聞。但聞孟克司言。此童子生平證據。已沈之水中。至其母榻前之看護。亦已成爲朽骨。於是二人大笑。法金慶賀其能以爲通變。趨捷後此。孟克司復言。此童子應得之產。已爲所得。尙囑法金陷彼以罪。令之流配邊遠。則無慮矣。且許法金以事成必加重酬。羅斯曰。其中事吾深不明。南施曰。其尤奇者。臨去語法金曰。法金汝雖爲猶太人。行事至細。然皆不能如我之以術死我。季弟倭利物之爲細。羅斯曰。然此人爲倭利物之兄矣。南施曰。彼言如此。後來復語及公子。及一婦人孟克司大笑。謂天下乃有奇事。倭利物竟落公子之手。彼尙對法金言曰。汝果知此二人之生世。則爲事尤奇。羅斯驚曰。汝言實耶。南施曰。我但述彼言。一不涉以己意作妄語。時已非早。吾實潛出。必乘兇人未醒之前而歸。始不爲所覺。羅斯曰。汝言固如此。我實何術足以處此。況爾所處者均兇人。何爲尙歸。賊窟果不欲歸我家。尙有人足以護汝。汲引爲善。亦復非晚。南施曰。否。吾必欲。

歸。以此兇人中有一人爲極惡毒而吾良不能忍舍其人以去。羅斯曰吾見汝冒險而來所言均真實無妄且知自疚吾觀汝尙足爲善因亦嗚咽言曰吾與客均爲女子之身乞見鑿鄙言自拔其身於泥淖南施長跽曰女公子真爲仁慈隱惻之安琪兒此言直爲我生平第一次入耳者最前此早聞是言尙足自救今晚矣晚矣羅斯曰改過胡晚之有南施曰吾已不忍割舍是入我若得免彼將不免安能以我之故殺彼羅斯曰汝生彼胡死南施曰吾更宣之第二人則此人亦必在誅數羅斯曰如是兇人汝亦終身委之甯非狂易南施曰此亦何顧吾決欲歸此事不審上天行罰耶而吾之心乃繫戀是人不復能去即明知後來死於其人之手勢亦不能不親羅斯曰吾安能縱爾復歸故巢於己心又安平貼南施曰乞女公子必遣吾歸吾之來時固知女公子之仁愛必能諒我故我發言之始亦未嘗加以要約羅斯曰汝旣告我以此汝行我何取證果使有益於倭利物勢當密偵此人得人安能無證失證又焉得產則汝此來不其虛乎南施曰女公子一時無策必有男子蓄謀略者商之但

得元凶則其事自明何須於我羅斯曰果擒得孟克司必須求計於汝又當於何地得汝南施曰有之惟須女公子許我以事公子欲見我則別訂以地相見但爾我二人幸勿攀引多人以令事洩羅斯曰此決許不復夷猶南施曰每逢禮拜之晚自十  
一點至十二點吾必在倫敦橋之左右游行待與女公子接談語後欲行羅斯曰少安勿遽汝幸再思吾力實足救汝汝即輕撤而去耶吾苦動弗動不審汝心中何絃足以循我挑動作響者南施曰似女公子之爲人旣有朋友復有親屬試思苟寄情於一人之身卽冒險亦必保全情愛如我者上無片瓦之庇下無瓜葛之親惟情愛則有之苟已寄之於人雖失足無復可救女公子聽之吾於婦人應有之德行廉恥一都觸惟此情愛不移尙爲生人所同具卽以身殉萬無所悔羅斯少停言曰吾尙欲奉汝以金庶少存活不至爲人所獲南施曰卽一辨士亦無敢拜嘉羅斯曰我欲助爾爾必拒我甚力此却何故南施曰果女公子助我者以殺我爲助我此莫妙之法以今夕之談立生我無窮之恥心果女公子殺我者我尙謂死於善地爲幸滋

多。今。無。他。語。願。上。帝。賜。福。於。善。人。之。身。語。已。號。咷。而。別。羅。斯。於。南。施。去。後。本。然。不。能。動。如。夢。如。癡。不。知。所。爲。

#### 第四十一章

今茲爲羅斯計者。艱。屯。極。矣。既。欲。爲。倭。利。物。計。求。得。其。利。益。又。將。迴。護。南。施。俾。勿。殺。其。夫。此。勢。所。莫。至。且。欲。振。拔。南。施。爲。力。尤。窘。本。擬。住。倫。敦。三。日。始。更。至。海。邊。消。遣。今。第。一。日。已。盡。但。餘。二。日。似。此。重。鉅。之。事。胡。即。能。了。欲。更。延。緩。數。日。則。必。吐。實。以。示。所。親。時。洛。司。朋。醫。生。實。與。同。寓。甚。知。此。人。暴。烈。苟。一。語。及。則。立。鼓。其。壯。氣。萬。萬。不。復。顧。惜。南。施。又。不。能。遽。語。老。人。果。見。知。者。又。必。謀。及。醫。生。苟。問。之。律。師。而。又。一。無。相。識。顧。卽。相。識。亦。斷。不。能。冒。昧。徑。語。以。南。施。之。約。言。計。惟。覓。得。海。雷。間。計。於。彼。又。念。旣。與。決。別。復。又。與。言。則。已。投。身。情。網。一。夜。中。思。極。無。策。乃。不。能。寐。遲。明。又。思。必。問。計。於。海。雷。爲。當。但。以。書。答。亦。奚。不。可。卽。使。允。我。設。謀。或。不。見。我。於。我。事。亦。復。無。梗。計。定。而。淚。落。則。力。回。其。面。防。此。寸。箋。遽。所。以。寓。海。雷。者。對。箋。落。淚。即。如。對。海。雷。而。悲。甯。非。食。言。而。

滋愧少須執筆欲書凝思不審所以著筆處躊躇間倭利物突入氣結色頰如被奇  
嚇羅斯擋筆問故倭利物曰我乃不能言喉間似有所塞言曰我今日又見彼矣惟  
密斯與之質證方知吾言非妄羅斯曰汝自與我語我初不以爾爲妄言何斤斤自  
明至此今日所遇者果爲何人倭利物曰所遇卽遇我厚之恩人密司忒白龍路也  
羅斯曰汝於何處見是翁倭利物淚盈於睫言曰我見其自車中出入一人家吾乃  
不能進而與言翁亦瞽不見我我顫不已胡敢自呈其身極而司爲我詢問果居是  
間否則果遷居於此矣因卽襟底出片紙曰翁卽居是今將赴彼謁翁惟見翁時不知  
將作何語也羅斯觀其所署處則司忒蘭忒街也羅斯因決計與之同行語倭利  
物曰趣呼車我與汝同行我今告老人以一句鐘歸且不語老人以安適倭利物卽  
出呼車剛五分鐘車至遂同行旣至羅斯令倭利物待於車中先進通名遂以名片  
付之閱者言有重事將謁主人少須侍者延客登樓羅斯入一精室中坐一和藹溫  
雅之老翁與之同坐尤有一老人則蘊怒欲發淡漠如不爲禮兩手按行杖以頰抵

此杖端先觀之老翁恭敬起立言曰寒舍不廣非所以禮佳客幸見恕羅斯方視此蘊怒之老人聞聲始迴顧爲禮曰翁殆密司忒白龍路耶翁躬身曰然指按杖之老人曰此爲友人格林威格因曰格林威格吾方有事請問羅斯曰今日之來所陳事或此先生亦夙知之似可勿行白龍路點首格林威格方欲起聞言復坐羅斯曰今日所談或出二丈所不料我聞丈人前此曾以厚恩待我一小友今茲其人事蹟或爲丈人所欲聞白龍路曰吾老多遺忘或不記憶爲何事矣羅斯曰亦憶及倭利物忒威司忒乎姓名甫出口而格林威格方僞觀書聞言即下其卷帙二目凝視羅斯卽白龍路亦至駭異特不如格林威格之驟突此時移榻近羅斯曰請客勿敍吾之恩意吾初以爲此兒之去已自墮其行今客見睨或且此兒尙非惡爲吾所誤駭亦未可知客今趣爲我言之格林威格曰必趨下流此子果克自立者吾將自瞰吾頭羅斯色頰而言曰此兒天性至佳惟禡年經種種磨折入下流社會乃未嘗移易其天性以狀觀之卽年長於孺子十倍者尙未必有其操守格林威格曰老夫六十有

一矣汝言倭利物剛十一然則是言指老夫耶白龍路急止之曰密斯麥烈幸勿怪吾老友此友心口不相符合心善而口直也格林威格曰我語確由心肺面白白龍路怒曰此語斷非心出格林威格曰我言不由衷者請自瞰其頭白龍路曰果如是者則爾之頭顧宜斬勿待汝食格林威格頓其行杖曰我靜觀何人敢斬吾頭語至此二老各出鼻煙之壺吸之已而二人復接手道歉此二老夙狀如此非一日矣白龍路復曰密斯麥烈我二老以負氣故幾開罪於尊客究此孺子近日何如者老夫思力俱窮百覓莫得旣又遠客此事亦寢先猶謂此子欺我後乃積漸思其品行亦頗知誤羅斯逐一舉倭利物爲賊所得情狀語白龍路且言自到我家日夜思見丈人欲自明其心迹白龍路拱手曰謝上帝此眞佳消息也惟尙未語我以此人尙居何所胡以不攜之同至羅斯曰尙在門外車中候丈令旨白龍路曰卽在門外耶乃大奔而下白龍路去後格林威格則以面上仰翹其榻足僅留一足四轉已而四行室中久之則與羅斯親額爲禮謝曰吾老狂汝勿懼以年論之爲爾祖父之列汝

爲佳品我至愛爾已而言曰彼來矣遂歸故榻而坐此時白龍路引倭利物入格林威格亦甚加禮意白龍路既入卽掣鈴言曰尙有一人不能不令之見已而侍者入白龍路曰汝呼貝德溫入貝德溫旣至門外不卽入待主人號令白龍路曰貝德溫汝日邇來尤醫屋中人汝都無所見耶貝德溫曰嫗目幾盲惟如我之年不能謂餘生不死而目力轉形而精白龍路曰汝加以眼鏡觀屋中尙有何人貝德溫出鏡時而倭利物已迫不及待奔出門外抱持貝德溫貝德溫曰上帝究待我厚此非吾孺子耶抱而親之不已倭利物曰吾親愛之嫗貝德溫以兩手扶其頭曰我固知汝必歸而就我今儀容尤佳衣服亦華好聲音笑貌如昔悲梗之容融化都盡矣旣觀復抱旣抱復觀且哭且笑厥狀如狂白龍路聽二人敍別遂引羅斯入別室問倭利物祕事羅斯遂舉南施所言告白龍路白龍路大駭羅斯又言吾不敢告醫生洛司朋防其獘暴轉梗吾事白龍路曰汝謀亦沈遠惟此事不能不告洛司朋吾自有術平其暴戾之氣決今夕八旬鐘至爾寓商略今且將此事告爾叔母知之爲得於是議

定羅斯以倭利物行。羅斯防醫生發怒。果乃不出所料。醫生旣聞南施語。卽取冠出。將擒南施付之有司。此時非白龍路力止之。幾致潰決。迨旣不能出。卽曰。汝意如何。者。詎吾輩尙須作公函謝此人。頭畜鳴之男女耶。否則送彼百鎊之金爲倭利物鳴謝。白龍路大笑曰。何必出此。惟吾輩行事。須沈靜。弗洩方可得賊。醫生曰。何名沈靜。我意將一網打盡。此輩送之。白龍路曰。汝勿激烈。今當先籌。旣得此人。於我輩事。曾否有利。醫生曰。於我輩何益之有。白龍路曰。今宜先探取倭利物遺產所在。醫生自拭其汗。曰。我忘此事矣。白龍路曰。卽我力能擒此一輩人。究於倭利物何補。醫生曰。縊彼數人。餘人悉加流配足矣。白龍路曰。汝胡必急急謀此。此輩惡狀已彰。終受天誅。若吾黨力發其覆。轉於倭利物一無所得。今雖知孟克司之奸。乃莫能得其要領。但誅羣小。孟克司聞而遠颺。官中又何術足了茲事。醫生不服。曰。在理羅斯所許。南施之言不必遽守。此信縱惡弗鋤。羅斯欲辯。白龍路曰。女郎勿怒。此事吾足了。語。醫生曰。信誓必守。卽偵探此事。亦毋須背誓而毀信。第一節。卽當密訪南施。令指孟。

克司行藏。又必預語以既得孟克司亦不鳴官。但自加詢問。以釋南施之疑。苟南施不可者。則當問以孟克司之狀。及所居地亦可。惟南施言禮拜一始能相見。今茲爲禮拜二。爲期尚在五日。此五日當慎密。亦不必猝告倭利物。醫生聞須五日。則暴怒無已。及見麥烈及羅斯咸以白言爲然。則亦莫敢更肆意氣。白龍路曰。吾尙欲延格林威格來助。其人精於律者也。以二十年中僅赴公堂二次。因亦罷業。然其業固律師也。醫生曰。汝固有友。我亦有之。白龍路曰。君友爲誰。醫生曰。卽爲密昔司麥烈公子。我老友也。語後視羅斯。羅斯色頰然亦未言其不可。於是格林威格及海雷亦同爲謀主。密昔司麥烈曰。此事當當留倫敦。果諸公仗義能了茲事者。吾雖經年居此。亦非所憚。白龍路曰。茲佳絕矣。我於此事中亦甚有係屬。今且勿問。日後我當自明。吾之所以不卽明者。防此事弗濟。又增爾許悵恨。故必俟事有端倪。更一一語之。爲諸君破唾。今茲宜飯時矣。倭利物候我久。且出親杯。此時衆赴餐房議院。遂閉。

自南施潛出漏消息於羅斯之夜。中有北方二客至倫敦。客爲一男一女。男爲蠢蟲之偷人。乃不能測之以年鬢。謂爲成人。則又弗及。指爲孺稚。則又微壯。惟此婦人。則健旺無倫。氣力之巨。但觀其負大囊而趨。即足以見之矣。此男子則於行杖之端。繫一小囊。荷之而行。股長而囊輕。故行道甚迅。時時迴首。斥此婦人。令其趣行。此二人追逐塵埃之中。遂及倫敦高門之下。男子遂止。語此婦人曰。加洛德。汝果勝脚力耶。汝骨髓皆腐朽。不勝長行。婦人曰。汝亦知吾負荷之重乎。男子曰。此美美者。何名爲重。吾爲汝恒怒死矣。婦人以巨囊抵牆。汗盈其面。言曰。路之修短如何。男子曰。非遠。試觀燈火如星者。即倫敦也。婦望倫敦言曰。得毋再兩英里耶。男子曰。勿論如何。汝但前行。不行者。我將蹴汝。勿言我不預詔。語後以手摩鼻。勢且用武。婦人立負囊行。又行數百武。婦人曰。哪亞。今夕宿於何地。哪亞曰。我何知者。加洛德曰。以理卜之。或非遠。哪亞曰。遠也。彼間遙遙是耳。加洛德曰。胡不宿於近處。哪亞曰。我言遠者。卽遠。他語吾不之聽。加洛德曰。汝勿怒。我特閒語而已。哪亞曰。果尋近處而宿。詎非坐待。

蘇阿白雷以鎗械來繫汝耶。我今必求偏僻之逆旅居之。令追者莫跡。汝此遭當謝。我能脫此局。我故繞他逆。始合官道。若猝登官道者。卽爲彼所得。加洛德曰。爾乃聰慧於我。然我一受禽。汝亦無幸。哪亞曰。金爲爾盜。初不關我。加洛德曰。我盜金。卽以予汝。哪亞曰。我未嘗留金於己身。加洛德曰。汝非令我藏耶。汝惟愛我。故託我以金。語時以手託哪亞之額。實則哪亞盜金付之加洛德。意爲追騎所得。則委過於加洛德。於己無與。惟此節則著之於心。不語加洛德。嘿然竟前。已而至乙斯林。登見車馬輻輳。知已近倫敦。二人乃背人而行。取僻徑轉聖約翰街。至於倫敦中最濛濁之地。於是哪亞引加洛德行經酒肆逆旅之前。無敢遽入。防爲人得。已而至一家。爲狀至穢汚。遂止面內而望。言曰。是處佳也。遂取巨囊自荷而入。謂加洛德曰。汝勿多言。非人問汝。汝切勿答。因觀逆旅所書曰。此何名。蓋三句。又曰。三下。又何物者。加洛德曰。店名三盤子。哪亞曰。然。名乃奇駭。遂推門入。加洛德隨之。櫃上但一猶太人。方讀新報。見哪亞入。則引目視之。哪亞曰。此爲三盤子逆旅耶。猶大人曰。然。哪亞曰。吾自村

間來道中遇一故人薦我入此語後以手指加洛德令勿聲又問猶太人曰今夕寓此有牀榻否猶太人曰當徐問之哪亞曰汝問時先以冷肉餉我猶太人卽巴尼也引入小房出冷肉供此二客少須言曰是間固有下榻處客二人卽居此間可爾此房卽在櫃房之後爲勢稍低櫃中人欲窺此室中但啟小幕下視卽了了而室中人初不之覺且傾耳近窗而室中人言亦一一都審此二客來可五分鐘而法金已至問巴尼曰二豎子今日至未巴尼曰勿聲隔窗有二生客在法金卽曰生客何來巴尼曰二人縱跡至可怪以狀觀之似亦爾之流亞惟新自村間來不盡可辨法金聞言甚喜則啟小幕下窺見哪亞方飲酒食肉意氣甚得加洛德旁坐非哪亞予之卽不敢食如狗之伺主人焉法金觀已迴語巴尼曰此人風貌甚愜我心此人足爲吾用試觀此女爲彼所馴其人才幹乃非小語後復以耳傾聽其意甚專此時哪亞張其二足於案上曰我今將爲有名之人必不更爲死人治事實告汝吾苟得名於時汝爲貴婦矣汝甘之乎吾惟能久久行此取富貴初亦無難加洛德曰貴婦亦佳惟

吾偷胠主人之篋。此安可據爲常業。日日爲之。卽爲亦且莫遁。哪亞曰。何必胠篋。生財之路實多。加洛德曰。何也。哪亞曰。衣囊亦可探取。卽婦人行道之手篋。及夜中入人之家。至於郵車銀行。在在均足生財。加洛德曰。此等事至重要。汝一人胡能勝任。哪亞曰。是間豈無朋友。一投賊中。卽得羽翼。輔我而行。汝亦足行此。苟以假面爲之。無往弗利。加洛德大悅。與哪亞親吻曰。觀爾所言。令人神往。哪亞曰。止止。愛情勿過。過將責汝。我後此苟交佳運。必爲賊中魁渠。以我才幹威儀。均足任此。今但覓得吾黨。立可發軔。汝所偷二十鎊之鈔。究胡濟者。且此二十鎊。往取見金。能否。卽爲吾有。未可知也。語後以手力搖其鑿。仰之令盡。精神勃發。正欲更飲。忽見門闌有生人入門。來人卽法金也。入時狀至謙和。鞠躬甚敬。近案旁而坐。令巴尼曰。汝更以名酒。至飲此先生。謂哪亞曰。夜色良佳。惟奇冷中人。足下從村間來耶。哪亞曰。尊客何由知之。法金指其履。並案上巨囊。曰。果在倫敦。無此灰土。哪亞曰。尊客殊明眼人。顧加洛德曰。汝聽之。城中之人。聰明乃復。至是。法金微語曰。惟居城中。故宜事事留意。語已。

以。食。指。力。刮。其。鼻。作。聲。哪。亞。欲。學。其。狀。顧。鼻。染。深。陷。不。如。法。金。高。鼻。試。之。乃。不。能。聲。  
法。金。見。之。思。此。孺。子。乃。學。我。所。爲。殊。可。教。也。時。巴。尼。已。以。酒。入。法。金。斟。滿。授。哪。亞。哪。  
亞。嘗。之。脣。吻。作。聲。言。曰。佳。哉。酒。也。法。金。曰。此。物。良。貴。須。知。恆。人。欲。常。飲。此。酒。必。當。當。  
肱。人。篋。探。入。囊。取。婦。人。手。中。持。包。及。郵。車。銀。行。中。以。夜。入。之。哪。亞。聞。言。大。震。顏。色。頓。  
變。視。加。洛。德。忙。然。無。主。法。金。移。榻。近。之。曰。汝。勿。憂。怖。然。有。佳。運。所。言。乃。入。吾。耳。哪。亞。  
曰。此。物。非。我。所。竊。指。加。洛。德。曰。彼。偷。之。於。主。人。今。物。事。不。在。彼。衣。底。耶。法。金。曰。勿。論。  
何。人。所。攫。何。人。所。藏。惟。對。我不。妨。質。言。我。亦。是。中。人。也。正。以。同。氣。之。故。故。來。相。就。哪。  
亞。色。定。曰。客。言。是。中。者。何。事。法。金。曰。即。爲。貿。易。此。屋。中。人。亦。均。業。是。爾。遠。來。覓。業。爰。  
得。爾。所。矣。此。三。盤。子。旅。店。凡。爲。梁。上。君。子。者。悉。聚。是。間。無。他。窟。宅。矣。爾。夫。婦。真。我。同。  
志。第。安。就。我。勿。怖。勿。怖。哪。亞。心。固。定。矣。而。手。足。殊。不。自。由。以。眼。視。法。金。頗。滋。疑。慮。法。  
金。曰。吾。聞。爾。欲。即。是。間。入。夥。今。余。有。至。友。薦。之。彼。間。足。以。位。置。爾。之。夫。婦。得。噉。飯。地。  
彼。所。部。人。多。凡。行。竊。之。事。皆。有。分。司。恣。爾。所。擇。即。不。習。者。亦。自。有。名。師。詔。汝。哪。亞。驚。

曰。此語確耶。戲耶。法金曰。苟進僞言於我。胡益今且至外間有秘語奉白。哪亞曰。爾我仍在是間。吾遣彼外出。卽曰加洛德。汝以包裹登樓。加洛德得命令卽行。哪亞自起掩扉。語法金曰。此婦人受令如讐也。今日談心。法金拊其肩曰。汝乃大能非天才。胡能調良婦人。至此。哪亞意得言曰。彼且下勿更言。此果尊客有事見屬。請即言之。法金曰。吾若薦爾至吾友家。果意氣符合。能否如其號令。哪亞曰。亦觀彼貿易如何。法金揚其拇指曰。高矣。高矣。凡國中名手。均在所屬。哪亞曰。然則多城中人矣。法金曰。彼間固不取村人。今以需才之故。不爾。卽用吾薦。亦或未允。哪亞曰。吾入股時。能否以所攜家具付之主人。法金曰。以勢度之。當盡貢其所有。哪亞曰。此中尙有二十金鎊之鈔。貢之甯非自苦。法金曰。此鈔汝或不能得錢。脫失主至銀行中。述其遺失之故。因鈔而窮盜。汝轉不獲其益。卽吾友得此。亦須用之外間。且津貼以貲。亦不能收其全數。哪亞無言。但曰。以何時晤君友。法金曰。明日侵晨。哪亞曰。以何地相見。法金曰。卽在此間。哪亞曰。我入其間。所得如何。法金曰。待汝以上賓。膳宿菸酒。均出公

家至所有攬得之物變鈔以後主客均分。卽爾妻亦然。哪亞志趣至大。初不甘此小就。旣而又思暗室中所語。盡爲彼得脫不之許。將生變故。沉吟久之。言曰。卽如此行可也。少須又言曰。吾妻能任重。吾則但取其輕便者爲良。法金曰。我知之矣。爾之所爲或鄰於雅趣。不爲其笨俗者。哪亞曰。然是吾心也。究竟何職爲稱。不勞力。不觸險。於是二者擇一見授。法金曰。吾聞爾言似良於探訪。吾友正需是人。哪亞曰。是中爲我所長。惟執是役者毫無所得。利於何分。法金曰。然。哪亞曰。路竊探囊之事。亦復輕逸。事旣輕逸。則與家居之蕭閒無異矣。法金曰。得之矣。凡遇老嫗行步躊躇無力者。汝奪其手餢。一轉已不之見。是役輕也。哪亞曰。此事滋險。設爲老嫗所得。不能毆我。而但爪我者。且聲高而援集。吾胡能逃。此着請更酌之。法金曰。伏雞雛爲可。哪亞曰。何事名爲伏雞雛。法金曰。凡母氏令童子以數辨士。購物童子必把之手中。汝進奪其辨士。推之溝中。然後從容而行人。將不疑爾奪此着何如。語已大笑不已。哪亞亦頓足大笑曰。此足爲吾業。法金曰。在打戰橋之左近。此類人絕多。汝日在其中獵取。

爲利必廣。語至是以手抵其腰。於是二人爭笑不已。此時加洛德下。哪亞遂一一允法金。訂以明日相見之時刻。法金曰。十句鐘可。惟吾面吾友時。以何名呼汝。哪亞已夙備假名。卽曰。布爾忒可也。指加洛德曰。此爲密昔司布爾忒。法金卽鞠躬問加洛德。曰。密昔司布爾忒。吾爲爾僕御。後此相聚如家人。無復拘閑矣。加洛德不審。哪亞怒曰。主人行禮。汝不知耶。加洛德驚曰。哪亞。吾知之矣。卽伸手與法金爲禮。哪亞曰。彼呼我爲哪亞。特夫婦戲呼外號。非眞姓名也。法金大笑曰。吾知之至詳。毋須諱也。遂同二人丁甯爲虛禮而出去。後哪亞始一一述法金語。衍衍然欲大展經濟於倫敦。爲伏雞籬之商業矣。

### 第四十三章

明日。哪亞見法金。法金卽引之至己家。哪亞曰。爾所薦之友。卽自薦也。吾昨日固已料及矣。法金笑曰。吾昨日稱爲吾友者。以人人之心。咸以己身爲良友。且人之自待。安有遙於處友者。卽如爾入吾彀中。斷不能向人自鳴爲賊。此卽自愛之徵驗。亦斷

不能向人語我爲渠魁。其不稱渠魁。卽爲自愛。爾我後此將爲同舟共濟之人矣。後此汝主外。而我主內。二人同心。利乃至溥。幸爾今日見臨。吾所部有名手者。今日敗矣。哪亞曰。死耶。曰。非也。曰。或且爲句。法金曰。然。突爲官中所得。哪亞曰。罪狀何如。法金曰。非重。人之控憇之者爲竊人。一鼻煙之壺。實則此壺爲彼自有。憇之寃也。而官中弗信。尙待質。吾值得有證據之人矣。實則此人之值可值五十鼻煙之壺。吾卽以五十壺贖之。亦甘嗟夫。靈物之能。在理宜令爾晤面。哪亞曰。安知不足。相見。法金曰。此正難言。果僅此一案。則六月後當釋而甯家。若更有他控者。則悠悠殊無了期。哪亞曰。收局如何。法金曰。防充配於外。終身不反。方欲更言。而卻立已入。納兩手於囊中。搖首太息曰。事敗矣。法金曰。何者。卻立曰。此次之讞已定。尙聞有數人爭集而確證其人之屢竊。律當遠竊。明日法金須以淨衣假我。我將及其未行之先。與之把晤。汝輩試思以靈物稚克。乃爲此兩三辨士之打噬壺。竟充軍耶。以我思之。似此人之長必得金表。方許流配。今彼胡以不取富厚之老人。得其重寶。則大丈夫。縱以罪出。

尙不失爲轟烈之男子。今茲鼠竊而已。胡由得名。語後太息不已。法金曰。汝安能斥彼無名。彼在爾輩之中。非第一人耶。卻立曰。誠然。惟在罪案之中。事狀良非巨也。此甯爲人所料。法金語哪亞曰。汝試觀之。吾所部之人。志趣不凡。咸欲造極而止。噫。此非我熟誠教育能至是乎。哪亞點首稱可。法金亦徐至。卻立之前。至再撫慰曰。汝勿焦煩。以雅克之長才。必有一日爲人所服。必不令老夫身爲師長。使爾輩沒世無稱。且雅克年事至輕。而事業如此。試問二十以內之人。卽能充軍古今有幾人耶。卻立聞言少慰。曰。據此而言。吾心亦滋釋憾。法金曰。彼在禁中。吾必逐日勞之以酒。尤當延一律師爲辨護。卽彼口才亦非劣異。日公堂之中。必有一番雄辯報。中必且誦述其辭。卻立曰。果雅克辯時。卽問官亦難申斥。勢必爲彼郴揄。法金曰。然綜言之。法金以種種僞言愚卻立。卻立初尙爲雅克憂鬱。及聞法金語。轉以雅克爲才。亦蕭然不以爲慮。少須言曰。今日爲堂訊期。理須以人往探。我行如何者。法金曰。此安可行。汝豈非自投於網罟。我失一大將。中心悲不自勝。若汝更亡。吾何以自聊。卻立曰。汝必

不能自行。法金曰。老夫安可往。卻立曰。胡不令此新器具。法金曰。不審新客心中如何。卻立曰。茲何足憂。法金語哪亞曰。此亦恆事。哪亞曰。此事我殊不諳。卻立曰。法金彼不諳。此則所諳者又爲何事。大抵彼之所能我盡知之。有事則居。守得利則分肥。非歟。哪亞怒曰。孺子敢侮老成。汝恣睢竟及我耶。卻立聞言大笑。鄙夷不已。法金謂哪亞曰。汝新來未有功果。改裝入公門中。決無人疑汝。天下安有睿人敢蒞公堂。能至公堂人愈不疑爲賊。哪亞此時甚懼法金。不得已允行。法金遂出村人御車之飾。手中執鞭冠以廣簪之冠。言曰。汝如是衣服。官中人將謂爾自村間來。至此觀鞠賊耳。哪亞面容固蠢。一服輒肖。後此語以雅克之相貌。又令卻立引之。行出陋巷。無數。至公堂左右。卻立不行。詔哪亞曰。汝一進門。徑行無滯。向右而轉。吾在此候爾。歸時同面法金。哪亞如言。徑至公堂。初無一人詰問。觀者至夥。以婦人爲多。堂上少高之處。卽坐。問官左手近牆有闌干。闌干之內。卽居對簿之人。居中有方場。爲見證人所立處。哪亞入時。方鞠他事。有兩婦在闌干之內。夷然無懼。尙與闌外人點首爲禮。

一獄卒卽立其次用鑰獄之巨匙時時近其鼻端爲戲遇喧逐時卽發聲曰少靜勿喧或婦人抱乳兒入兒呱呱哭獄卒卽曰逐此哺兒之婦外出堂小而人衆汗臭觸鼻牆旣失修顏色沈黑其上懸巨鐘哪亞四顧覓雅克乃不之見但見有數婦人之面目醜惡大類雅克之母妹俟之旣久此案已結獄卒引之外出更鞠一獄入視其人則決爲雅克無疑矣雅克衣寬博之衣卷袖及肘左手入囊右手執冠昂然而入旣入闈內抗聲言曰汝輩請我至是何爲者此詎爲上等人所居獄卒怒曰汝勿聲雅克大呼曰汝曾否知予爲英國百姓百姓之公權又安在者獄卒曰公權立卽歸爾且加以胡椒雅克曰吾乃不審民政部尙書胡以用此區官無事面讀報留我在此須知吾尙有顯者約我言事也實告汝我生平未嘗作妄語與長者期胡敢爽約且所約之人爲貿易事果逾其期則所損失正復非少語已謂獄卒曰汝告我以區官之名我記之將來必與校理語出衆皆聞之不期哄堂而笑獄卒怒曰勿喧此公堂也區官問曰此何事何案獄卒曰此爲探囊之竊區官曰前此曾犯其事否獄卒

曰案多殊未破此人必爲積賊雅克曰此語大傷名譽衆復大笑官曰有左證否雅克曰汝言吾竊左證又安在吾甚欲見之時有一巡捕進曰吾親見此人在一處探人之囊出一素巾惟懾其舊復納而入之吾卽執而索其身所藏者但一鼻煙壺其上有人姓名時失主已至言曰壺上之姓名卽我也吾昨日爲盜所取方其失時但有此人近吾身次已疑其爲是人矣問官曰彼二人證汝汝尙何言以辯雅克曰我胡屑與此人言官曰然則爾無言自承矣雅克如不之聞獄卒曰堂上問爾何言雅克作鄙薄狀向問官曰噫汝何言獄卒向官曰小人初未見如此之刁猾者其年雖小奸狡已至問雅克曰汝終有言否雅克曰我卽有言亦不言之是間是間安有王法公道吾之律師爲兵部大臣延飲故未來必有一日與爾輩辨駁令爾輩無顏自立書記言曰爾輩引此人出彼罪已定無可再問者獄卒曰行雅克以袖拂冠曰汝輩懼耶吾終不汝恕今我亦不遽出忽曰來引我入禁語已獄卒直取其領而雅克沿道大罵謂將質之議院旣下階則迴首側其脣吻與區官作勢而去哪亞見其鬪

械而入。遂與觀審之人同出。至於卻立延候之地。力奔而歸。與法金語。

#### 第四十四章

南施歸時。欲蓋其中心之憂怖。顧乃不能消融於無迹。亦知法金及沙克司萬不能  
疑。然一人之心迹。又皆了了於己心。惟不欲於己之手中。盡此二人。既憐且懼。知沙  
克司之爲人。兇虐無極。一爲發覺。立卽於死。惟旣與羅斯立誓。舍孟克司外。必不嫁  
禍其夫。故羅斯婉勸其留。而心以戀夫之故。舍安卽危。自問此心。足以對沙克司矣。  
南施用此之故。力自慰勉。而皆不能自掩。連日以來。消瘦無似。有時人方聚談。已如  
無覺。若在平日者。則亦調詼雜出。笑聲沸騰。有時見人歡樂。亦爲破顏。顧內悲外愉。  
終欠自然之趣。尤欲用此自蓋。而觀者咸知南施之別有所思。一日爲禮拜之夕。堂  
中鐘聲已動。沙克司與法金方坐。談聞鐘聲。而細數其點。南施方坐於榻上。以手自  
掩其目。聞鐘。仰聽已十一句鐘矣。沙克司開窗外望曰。鐘動十一點。而夜色沈沈。此  
夕正吾輩當行之夕。法金歎曰。惜哉。吾所部一大將。囚矣。餘人安得如彼之慧黠。沙

克司曰。然吾亦滋以爲憾。法金曰。雖去此美才。而吾業仍須一振。不能因而喪其資。  
沙克司曰。然法金曰。沙克司汝今日和平溫謹。不類前此之暴烈。滋可親也。語已撫  
其肩不已。沙克司推其手曰。爾收其爪。加爪於吾肩。吾爲之麻木。法金笑曰。吾以手  
按爾背。汝幾謂爲官中人所得耶。沙克司曰。汝冷如鬼手馨來此。弄人吾胡能受似  
爾風貌。他人所無。或若翁生時良類爾也。果若父非奇醜者。則爾必無父。大抵以理  
決之。汝必無父。法金得此足恭之詞。默然無答。但引沙克司之袖。以手指南施。以南  
施乘二人暢談時。竟加冠於首。作欲行狀。沙克司曰。南施此時安適。南施曰。非遠也。  
沙克司曰。此何如語。吾問爾所適。汝乃敢作模棱語耶。南施曰。吾言不遠。已答之矣。  
沙克司怒曰。我必究爾所往之地。汝聞之耶。南施曰。吾亦不自知其處。沙克司曰。汝  
不之知。我則知之。且知汝不能有所適也。汝坐勿動。沙克司之欲禁南施外出。非有  
疑也。以怒極。縱其所言。不聽前耳。南施曰。吾近多病。欲飲空氣。非有他也。沙克司曰。  
空氣耶。窗開引首外向。不其得乎。南施曰。是間不足。必自衝上領取空氣。中心始暢。

沙克司曰。空氣既不足供。不如無也。遂起鑰其扉。藏其匙。奪取南施之冠。擲之度閣之上。言曰。汝且靜坐於家。南施顏色頓變。言曰。卽無冠。不能出耶。沙克司曰。汝究何意。曾亦自知爾之所行。開罪於我乎。沙克司曰。此何如語。敢觸乃公。法金汝聽之。此女子狂易發矣。不爾。恆未嘗如是。南施曰。汝果如是者。是直狂易我也。今茲必欲出。且須立時出我於外。沙克司曰。必不許爾。南施曰。法金汝告沙克司必讓吾出。尙以出我爲有利於彼。復頓足曰。汝聞之耶。沙克司迴顧曰。乃公聽之矣。汝敢喧逐。至半句鐘者。獨立至駁爾喉令斷。汝當無聲。汝今所著何覽。南施此時坐於門次地上。尙曰。必出我。汝關係滋大。尙不之知。我出以一句鐘卽歸矣。沙克司引其臂言曰。此人獷極似病趣。起南施曰。不縱吾行。吾決弗起。沙克司四顧無策。力抱持之。女輒轉求脫。沙克司置之複室榻上。以手按其肩。女且喘且哀。沙克司不之理。至於十二句鐘。南施無力。僵息於榻上。沙克司指之曰。爾勿再動。遂出至法金坐處。自拭額汗。曰。此物乃大奇。法金曰。爲狀似奇。沙克司曰。汝意云何。應知其蘊蓄。法金曰。僥倖耳。沙克司

曰。吾亦謂此姪子強。初以爲野性爲我所伏。今猶爾也。法金曰。尙有甚於此者。此女今日之狀。初未前覩。沙克司曰。吾亦云然。大抵熱病蘊於腠理。不能猝發。然乎。法金曰。厥理或然。沙克司曰。病若更發。吾當抉其毒血。令淨。法金點首。深以此藥爲妙。沙克司曰。當時我病時。汝乃遠颺。彼則日夜居吾榻前。想彼侍病時。爲我傳染。今又閉此樓中。病發正未可料。法金附耳欲言。又止。以此時南施出矣。二目盡腫且赤。身搖動不止。忽而大笑。沙克司曰。彼先號咷而後笑耶。厥狀誠狂。以目視法金作懼狀。法金微點其首。請沙克司勿患少須。南施靖矣。法金微語曰。彼必非病。乃取冠啟戶。欲行。行次。言曰。誰以燈送我下樓者。沙克司方納菸於斗。顧南施曰。汝以燭燭之下樓。彼若碎其顱。則世間醜人絕種矣。南施果以燭送之出門。時法金少立。語南施曰。南施汝究何事。南施曰。汝言吾乃無覺。法金以指向樓上。曰。彼人爲畜生。待汝酷否。果酷者。汝胡不句。南施曰。是又何語。法金曰。今且勿言。容更言之。汝當以我爲彼之朋友。果欲仇復者。當就我爾。我交情在彼之前。此人窮凶極惡。汝何曬之深。南施曰。我

深知汝之爲人。容再相見。法金引手欲與爲禮。南施但點首閉其扉。自入法金道中。尙思此事。初以爲南施厭沙克司。欲得新人而事之。且并其數事觀之。第一節情款大不如前。恆一人獨出。第二節以一人獨出之故。力爭之於沙克司。則似外遇有人。將力決沙克司。一無疑議。尤知南施足爲已助。故極力牢絡其人。歸諸己用。第三節收歸南施。尙有他用。以平日沙克司唾罵無已。得南施歸已。即可揭其隱事。爲讐復地。即使不得南施。乘其不睦。令下毒死沙克司爲事。亦易計去此殘人。則已禍亦足小弭。又得一南施爲助。南施旣毒其夫。則柄握在己手中。南施終身必不吾叛。法金此策已決之於沙克司家矣。臨行故以若斷若續之語。試探南施之心。乃不得其要領。意此人叛心固有。而行叛。則非所忍。今究有何術。能致南施者。已而曰。得之矣。彼逐日出行。必有祕事。吾以探騎。偵之。苟得朕兆。趣之歸降。易也。策定。遂行。乃以手指沙克司所居樓。曰。此事終落吾手。語次。握拳向空。而伸似與人爭殿者。

法金明日晨起坐於屋中俟其新受業之門人已而哪亞夫婦見陳餚於案則吞噉無數法金以榻就之相嚮而坐呼曰布爾忒哪亞曰何事者吾方食爾勿言汝家縱肆必乘人之食而呶呶語不已然則御飯亦莫得閒耶法金心恨其人則亦弗怒即曰繼食胡得不言哪亞曰可遂張口吞麪包且言曰吾卽作言語亦足藉之消食加洛德又安在法金曰吾已遣之以我二人尙欲作密語哪亞曰汝應留彼爲我作攤牛油之麪包今且言即言亦不誤吾事實則哪亞之遇食世間尙有何物能抵其鋒法金曰汝昨日貿易佳第一次成功如此之速真爲飛將第一日出門卽得六先零九辨士牛以我觀之汝仗此伏雞之智尙可生財哪亞曰尙有二牛乳壺汝幸勿忘法金曰是胡敢忘哪亞曰以我思之新進之徒能如是亦足矣汝試思吾過酒肆之前而此二壺乃踞門外乘涼吾防其感冒故攜而歸言已大笑法金亦僞笑哪亞笑已大嚼麪包一方旣已卽切第二方法金伏身案上曰布爾忒吾遺汝行事此事非小汝能慎密爲我一償乎哪亞曰汝令我冒險入公堂茲事吾決不能任法金曰安

得有險。吾命爾尾一女子耳。哪亞曰。嫗耶。女郎耶。法金曰。女郎也。哪亞曰。吾在學堂時。常爲是事。然尾之何爲。法金曰。無他奉屬。但隨其所往。卽得言語。亦必告我。且當記憶。彼在何街。卽居室亦先辨。其屋前之號數語。我。哪亞曰。應酬我以何值。法金曰。果得當者。予一鎊。且我初未嘗有此重酬。此爲特賜。哪亞曰。女人爲誰。法金曰。亦吾輩中人。哪亞曰。汝得毋疑他。句法金曰。汝勿誤會。我所言者別有一人。其人將另有所擇。吾至欲得其所契之新交。哪亞曰。我知之矣。果彼新交富者。汝當於中取利。此事我能辦之。今其人安在我於何地。值之。法金曰。少須之。吾值得朕兆。卽以告汝。汝但結束以待。餘事我自爲之。於是哪亞僞爲御者。待之三日。更六日。初無迹兆。至第七日。法金早歸。歸時甚意得。言曰。彼今日夜中必出。彼所懼之人。須待天明始歸。汝今且隨吾行。哪亞不語。卽隨出。旣出。繞陋巷無數。至一逆旅門前。哪亞視之。卽三鬱子逆旅也。時逾十一點。肆扉已掩。哪亞微微噫氣。戶已大開。二人同入。法金旣入。與巴尼以手示勢。登櫃房。自玻璃中下指一人。哪亞亦微語曰。卽此人耶。法金點首。哪

亞曰。彼低頭而燭居其後不可辨認。奈何法金示巴尼以勢。巴尼卽下少須。巴尼入室。僞剪燭花置燭於女前且與之談。女人已仰其面。哪亞曰。得之矣。卽在人叢之中。吾亦能辨。此女亦敢關出法金先藏哪亞於長案之下。南施出時。二人屏息不敢有言。旣見南施出戶。巴尼歸告二人趣行。哪亞視法金後。遂出。旣出。蛇行。時見此女回頭。如備追騎。有時一人尾其身後。則立俟之過始行。迨一人少遠。始迅步行。然哪亞實隨之。未嘗少止。

#### 第四十六章

禮拜堂鐘動十一下三刻。見有二人至倫敦橋上。前行者爲女人。張皇四顧。作覓人狀。其後一人。爲男子。恆隱暗中。男之舉動。惟此女是準。女行亦行。女止亦止。旣過橋。女子似不得人快。快如失望。復自橋反。男子卽隱於燈桿之下。讓女先行。然後尾之。至於橋心。女止。男子亦止。夜色深沈。行人已鮮。旣使行道之人見之。亦不爲異。以倫敦地大物博。往往有窮人四覓宿處。此爲貧戶。恆狀水上霧脚下垂。步上船燈照水。

但留紅暈兩岸人家則全籠霧裏船上桅檣亦空無所見此時女子四顧彷徨聞聖保羅禮拜堂鐘動十二下見一馬車止於橋次車中盈盈一女郎又一白髮之翁既下卽屏其車徐徐登橋此橋上之女踴躍赴此二人之側此二人初亦張皇如有所覓忽見此女則微呼曰汝勿復詘然而止以此時有村人行過其側遂無言此女卽南施言曰此間無可言試近石步中語南施語時指石步石步者備船客經此登岸者也此村人卽哪亞聞言已先伏於橋底旣至則思得伏身之所時水落橋洞中尙可藏人哪亞卽匿身其間側耳以待計此三人果亦入洞者則我向彼洞而出久之仍不聞足音以爲他向而去更欲外出偵之忽聞有人聲甚邇語了了可辨則屏氣以聽聞老人曰勿更下防潮生也卽此地而姑娘亦憚行者夫姑如汝意而下此汝遽言耶吾心似有所懼如有見尾之人語時噤不自持老人曰汝勿懼有三人在何怖又聞南施言曰今日似有死徵一閉目似周身皆帶血醒發寒熱可一日矣日中

欲以書自遣。而書中所畫亦作帶血之戶。聞老翁曰。此特幻想。南施曰。非幻也。彷彿中似見一櫓。卽書中亦彷彿見之。夜中道行亦見有棺。昇過吾側。翁曰。吾道行亦時時見此。南施曰。翁所見者眞也。而我目所接則幻形。輒見時橋下之哪亞。聞之毛髮皆豎。覺陰慘之氣。中人欲僵。及聞同來之女郎。作嬌柔之聲。撫慰南施。則中心始釋。然以爲聞人聲也。又聞女郎語老翁曰。丈與言宜加以慰藉。勿傷其心。翁於是語南施曰。爾前禮拜時。夜中胡以不至。南施曰。我爲人以強力挽抑之。不聽出。翁曰。挽者爲何人。南施曰。此人我固告其名與女公子矣。翁曰。汝前日之不來事機。曾否爲彼人所得。南施曰。未也。此人獷暴無情。但喜怒不恆。初非疑我者。我第一次面女公子時。得以鴉片霜飲之。令睡。故得脫身。翁曰。汝見女公子後歸時。彼人醒耶。南施曰。否。彼一輩人。咸不以我爲疑。翁曰。如是佳矣。汝今且聽吾發問。汝前二禮拜曾告女公子。以事公子。轉以告我。及吾輩數人。余初聞時。疑信尙參半。今茲良以爲實。吾今將以恫喝之法令孟克司。自吐其實。惟孟克司或不可得。則猶太人法金汝。當示我。以。

其家之所在。南施曰：法金安可首？其人固非佳。然欲我發覺其罪，則心有弗忍。翁曰：是又何故？南施曰：中有兩節。其一節已陳情於女公子。公子允我矣。其第二節首法金可也。法金出，則牽聯必多。我亦賊中之一人也。以我之罪，彼不賣我。我又何爲賣其同類？然翁之始念似亦未注意於法金。索法金者，欲南施於倭利物之事能盡言耳。因曰：既不忍於法金，則孟克司安在？當爲我言之。南施曰：君輩得孟克司，孟克司供及法金，諸人又將奈何？翁曰：我得孟克司，但究倭利物事餘事，一不之間，矧倭利物亦不欲與衆宣之爾？何須憂？南施曰：孟克司弗承者，又奈何？翁曰：孟克司弗承，吾亦必得法金，惟得法金後，亦不訟之於官。南施曰：此言良弗敢信。苟得女公子一言者，蓋可信也。女郎曰：吾必允汝。南施曰：汝獲孟克司時，切勿謂我賣之。翁曰：決如汝言。吾出不意，獲之令彼亦莫名其所以然。南施思久，言曰：吾生平未嘗作誠語，亦未嘗以誠語人。今夕之言，吾信汝矣。於是翁及女再三慰勉。南施令其揭舉倭利物事，南施乃微示三贊子逆旅處音吐甚細，橋下伏債者幾於不得聞其語。然南施每言。

輒止。似此老人出筆記之。記已復言。南施所言且不止。示三盤子逆旅。且示以孟克司來去之時。刻言孟克司人極高碩。抗健行步多狠顧。如有所防。二目深陷異常。但此一節已足辨其風貌矣。面微黑。髮與目睛亦然。年事不滿三十。已漸有頹唐之態。脣上恒破怒時。恆齦其脣。並齦其手甲。以洩怒憤。此時南施忽問老人曰。丈人何爲。惋愕翁曰。汝第言之。吾實無事。南施曰。此人第見兩面。平時行路。則以高領自蒙。凡此狀態。均聞諸三盤子逆旅人言。所知者已盡於此。然其人項間尚有物。每當迴顧時。卽見句翁曰。得毋紅癱耶。南施曰。丈人何由知之。但聞女郎亦微駭。於是人皆無言。但聞呼吸之聲。尋老翁曰。或且吾能知之。卽不知亦可。辨認而得實。則余未必。卽知其爲是人。天下人之相肖者多矣。語時似甚從容。然後翁則少離此兩女人所立處。近哪亞所隱處。背作小語。曰。決爲是人。旣又聞足音。似又行近。南施言曰。少年婦人。汝今日所言。助我乃非少吾甚。欲助汝。汝試自陳其所欲。南施曰。我何欲者。老人曰。人以德心待汝。汝胡必痛拒其人。請自激心思之。用以慰我。南施哭曰。君輩。

必無術救我。我實無可援之勢。翁曰：汝失身在當時，然造化與爾以聰明及其愛情，用之都誤。或後來尚有補救之方。至於天良中之安逸，爾當自修。若外身衣食之事，旁人尙足助汝。或且英倫或居外國，吾輩必不令爾流離失所。此不特吾力所能而亦吾心所屬。汝果有意於吾言，吾不待天明即可拔出爾身。脫爾當時之社會，而尤不忍見我之後聽爾自歸呼吸濁濁之空氣及承望兇人之顏色。此良善機一失，將不可復得。卽聞此女郎言曰：我觀南施此次必允我輩之言，彼已沈吟如有所思矣。南施曰：未也。我心如有鐵鎖綰我於前，此所入之社會中，我固恨其非良乃無術。自脫蓋已深陷其中，拔身良亦非易。今日尙以君輩爲良言，若在前此數年，直將以君言爲腐噏，吾戒心復起，當趣歸矣。聞女郎曰：汝有家耶？彼問胡得爲家。南施曰：我家固也。以我之流品應歸是家，別矣。正恐有人僨我爲禍，非鮮果君輩以我今日之來爲有微勸者。縱我遄歸，卽爲酬庸之典。翁似對女郎曰：留之無益，遲且生禍，不如縱之。南施曰：然。女郎曰：此歸必無收局。南施曰：女公子防我不得，良死耶？汝不觀漸漸。

之。河。水。世。間。爾。許。類。我。之。人。恆。借。此。爲。包。羞。之。地。我。思。結。局。正。復。在。此。惟。日。月。則。未。  
知。耳。女。郎。聞。言。悲。曰。女。勿。更。言。此。南。施。曰。我。本。不。以。是。言。陳。之。閨。秀。以。女。公。子。生。平。  
未。嘗。聞。此。今。別。矣。更。圖。相。見。此。時。翁。無。言。迴。首。他。顧。勿。視。此。女。郎。言。曰。此。錢。囊。贈。君。  
爲。紀。念。後。此。有。匱。欠。之。處。尙。可。助。君。爲。理。南。施。曰。我。之。爲。此。不。爲。錢。也。惟。乞。惠。一。紀。  
念。之。物。女。郎。欲。脫。戒。指。南。施。不。可。但。曰。乞。手。套。一。或。素。巾。均。可。但。得。女。公。子。身。中。所。  
佩。者。予。我。可。爾。女。郎。卽。出。素。巾。南。施。鞠。躬。道。珍。重。而。行。此。時。老。翁。見。南。施。勇。決。亦。不。  
之。留。橋。下。之。哪。亞。聞。南。施。足。音。都。渺。後。而。白。龍。路。及。羅。斯。亦。同。至。橋。心。小。立。羅。斯。曰。  
似。彷。彿。中。聞。南。施。呼。我。白。龍。路。曰。非。也。彼。必。見。我。還。歸。始。行。於。是。引。羅。斯。同。下。南。施。  
待。其。行。後。伏。於。橋。闌。大。哭。少。須。亦。歸。橋。下。人。聞。萬。聲。都。靜。則。自。橋。彎。徐。徐。而。出。仍。沿。  
黑。影。中。蟾。行。而。去。至。於。街。心。四。顧。無。人。始。奔。迅。赴。猶。太。人。家。

#### 第四十七章

秋。夜。雖。長。然。去。天。明。僅。二。句。鐘。矣。此。時。名。爲。夜。死。至。於。蟲。聲。及。醉。人。之。聲。亦。止。法。金。

則在彼巢穴之中。守夜而坐。面白而睛紅。厥狀如大厲。身中披破衲。眼望凡上殘燭。右手置諸脣次。力敵其陳垢之指甲。方其敵時。忽露其零星數齒。並見其齦狗耶。獸燭跋已見蠅。淚成堆。白是狀。觀之法金之意似都不屬此。此時心緒。欲圖南施。既不可得。而轉爲南施所賣。雖南施不供己身。而守信之事。託之南施。又復未必。沙克司大仇未復。而此身又恐爲官中所獲。就死於刑。此等心緒。起落盤旋。心火上燭。久坐亦不知時候。迨聞街上有行道之聲。因曰。至矣。至矣。語時門鈴已動。則自地窖中出。啟其扉。少須。同一壯人。下面目皆用高領蔽之。手挾巨囊。外被旣脫。則沙克司兜頑。蓋沙克司望而卻退。言曰。汝今夕何事。法金舉手而顫。噤不能聲。沙克司以爲有巨變。卽曰。汝癟發耶。果非癟而禍作者。我當先避。法金曰。汝勿憂。吾非謂汝之事所指。蓋

別有一人。此時沙克司已出小檜於衣囊。言曰。汝不謂我尙有佳運。法金曰。吾尙有事。語汝。汝聞之當較我爲狂。易沙克司弗信。言曰。確耶。汝速以告我不爾。南施遲我。不歸。將謂爲遇險。法金曰。遇險之事。彼久知之矣。沙克司凝視不能自解。而法金又不卽言。沙克司力抓法金之衣袂。動搖之曰。老狗。汝胡不呻吠。法金迴視哪亞。曰。此孺子沙克司。亦下視曰。孺子如何。法金曰。譬如此子在外。對人語。以吾輩之聲音。笑貌。及我下處。一一與人言之。令人圍而縛我者。如何。且甘爲此事者。不出之他人。之強迫。乃甘自貢其私果。如是者。我輩將何以處置其人。沙克司曰。彼尙有餘息者。吾將以其頭顱。置我足下。踐之令碎。法金曰。此事設我爲之者。又如何。沙克司曰。汝果爲是事。公堂對簿時。吾卽堂中出爾肝腦。令之塗地。以我之力。掊汝。猶之置爾頭於車軌之上。礲之無堅。不破。法金曰。汝果如是。決耶。沙克司曰。汝不信者。試乃公之手段。法金曰。果此事爲郤立。爲雅克。爲貝忒。抑爲句沙克司。曰。無論何人。必不置之地。上法金視沙克司。後卽哪亞臥處。令醒沙克司。不知所謂。但有愕然。法金曰。布爾忒。

復曰。此兒乃大罷沿道追隨爲力已。禪沙克司曰。汝言何指法金不答。力引哪亞起坐連呼其名。哪亞始欠伸張其眼。法金曰。汝適以所言者告彼。因以手指沙克司。哪亞曰。命我何言。法金曰。汝隨南施行。凡諸所見悉告沙克司。哪亞仍欲睡不能言。法金大聲曰。汝非隨南施行耶。哪亞曰。然。法金曰。得毋隨至倫敦橋。哪亞又曰。然。法金曰。彼間非遇兩人耶。哪亞曰。然。法金亦不之間。自言曰。彼所遇之一男一女。女郎曾爲南施所親覩者。二人叩南施以吾輩之相貌。第一叩孟克司。南施卽厯厯告以容止及住處。又告以何時至三鑑子旅館。凡諸祕事。南施已一一洩之。無遺且所言時初無威嚇。均南施自吐其實。謂哪亞曰。吾所言者確乎。哪亞自搔其髮曰。然。均南施自言。法金曰。此二人問南施上禮拜胡以不至南施焉。對哪亞曰。已告汝矣。法金曰。汝再述之。哪亞此時已醒。言曰。二人問彼胡爲爽約。南施言不能至。法金曰。汝告沙克司。言其所。以不去之。故。哪亞曰。有一人。强留。不聽出。此人之名。亦揭告彼女矣。法金曰。尙有何事涉於此。強留之人亦一一告沙克司。哪亞曰。南施言。此人狂獘。無情。

第一次逸出時。則以鵝片霜醉其人。令勿醒。當其言時。沙克司力欲奔歸法金。則強留之。勿釋。至此已不能忍。大呼地獄之火焚此惡人。汝釋手聽我行。力推法金於地。直上地窖。奪門而去。法金力追。言曰。沙克司勿奔。我尙有言。此時沙克司已欲出。而門鑰膠不可開。乃大聲罵詈。此門始爲法金追及。沙克司曰。聽我行。勿作呶。呶語。吾事至可危。法金攀其鎖曰。我但有一言。汝勿勿。沙克司曰。何事。趣言之。法金曰。汝勿暴獘殺人。時已遲明。彼此互見其面。二人眼光皆赤如火。法金曰。汝下手過辣。則己事亦不適。即欲死其人。法當祕密。沙克司不答。門啟。卽行。旣出。前後左右。均不之顧。但望己家而趣。駁牙既急。二腮之肉咸突。自出法金家。及於己家。厥狀如一。旣啟關入。躡步登樓。入室。力閉其扉。且加鑰以案抵之。然後啟幔。南施尙睡。衣服咸弗整。夢中驚醒。見狀大駭。沙克司曰。起。南施曰。汝耶。沙克司曰。我也。汝起時屋中尙有殘燭。作微明。沙克司取而擲之。空櫨之內。南施見窗外微明。將欲開窗。沙克司止之。曰。汝勿開。借此微光。足了吾事。南施大驚。曰。沙克司今日胡爲。作如是。很態。沙

克司怒視氣咻咻然力擣其髮以手掩南施口南施尙極力言曰吾不呼號汝但語我以何罪沙克司曰汝尙弗知今夕有人尾汝凡汝所言悉爲人值得矣南施曰旣如此請爾恕我汝詎有心殺我嗟夫親愛之沙克司且我爲爾一人已力祛其機會無數即今夕之事亦正爲汝撇去生路非鮮諸爾沈思勿干天譴卽我有言亦決不賣汝沙克司上觀上帝之面念我赤心於未流血之前仔細思之我之待汝初無一星之罪沙克司拔其手欲出南施握中乃不可得南施方以首投諸沙克司之懷言曰沙克司今夕所見之善人尙爲我籌安樂之地我今更往面其人爾我同求其保護改行爲善亦未不可我今亦知悔過尙未爲晚此時沙克司右手已脫出取其手槍忽思彈發將驚人卽以槍跌用其精力打其面部南施受槍劄退立仰於地血被其面二目全昏尙強起長跪於地出羅斯所遺之素巾二手高舉言曰願上帝恕我禱時狀至可怖沙克司退於牆隅取木椎以手掩面力搗之南施亦立殞

倫敦一區一交夜中萬惡騰涌沙克司之殺南施亦卽萬惡中之一惡也南施死後陽光已上城中士女及工商諸人咸紛擾來去如織矣然無論五色玻璃及破窗糊紙太陽之光仍一一都徧此爲人謀死之女戶屋中陽光亦不吝而入沙克司欲力蔽之乃不能得此塞彼漏無可彌縫南施尸在曉色朦朧中已足怖人今陳諸白日之中厥狀尤厲沙克司膽寒不敢遽出有時尸身時動或微息沙克司則尤懼復以木椎搗之非防其生防尸變也尋以破氈蓋尸身眼雖弗見而腦中所印之尸狀歷厯無纖毫之隔陽光已斜射入樓樓心凝血成團爲光所觸倒影向承塵上作圓紋如水暈時時流動沙克司四顧木椎之上血液尙淋漓則然火於爐中納椎焚之椎上黏血髮一叢遇火蚩蚩作聲沙克司聞之心顫直見木椎成灰乃自刷其衣上之血痕然尙凝而不去則寸寸翦而焚之時南施受椎顫頓血花四濺至於狗足之上亦皆血則尤不能掩滅令淨自思但有逃之一法然留狗屋中則狗饑而嗥且足迹印血四越尤動鄰右之疑不如引狗而扃鑄其扉策定如言而行旣出自對門仰盼

其樓窗曾否爲人所見。見窗奩下垂室中若無事者。遂呼狗上道直嚮乙司林。登行至高門小山。顧乃不知所居。下山復上。如是者再至於下午。尚盤旋是間。疲極。遂覓小籬之下。扶頭而睡。未酣已醒。復奔竄向來路而行。既知其誤。則復尋去路已至一田溝。思息又思將爲人所得。復易一溝。如是者累易數溝。顧所易地。恆防人見時已饑餒。思食因思去此非遠。有村曰亨。登地偏人遠。非孔道也。遂前時奔時緩。有時凝立。則以行杖拂草。及既至。覺是中婦人女子皆若預知其殺人而屬目之者。因亦無敢淹久。復至荒隴之上。靜坐莫得所嚮。時已向晚。尚盤旋不去。少須計定。趣哈得菲而近九句鐘。人已憊極。卽狗亦羸困。行入小酒肆中。有數村人聚飲。見沙克司入。讓坐沙克司不敢近人。伏於隅隙。與狗偕食。數村人聚談多田畝事。已而又言前此村間死人之年紀。其年少者。則言死者爲老宿。其年事多者。則爭辯爲少壯。有禿髮老人言曰。彼年乃近我。若能衛生者。尙可十餘稔。恨其不自調攝。遂淹忽化去。此事乃無奇。沙克司亦不之審。還酒值後。仍踞屋隅而假寐。方入夢時。似聞有人入酒座。喋

喋不已。竟爲之醒來者爲貨郎。專於村間賣臘皂。薙髮刀。針線。及醫狗醫馬之藥。凡  
村婦所需。賤價之香水。及脂粉之類。旣入與村人絕。相見道故。作調諛語。因亦就  
食。食已。啟貨篋。出貨求售。有人曰。海雷。此何物也。物狀似餅。其人曰。此可食否。貨郎  
曰。此吾自製之藥。可去衣上污垢。鐵鏽也。泥也。霉也。瘢點也。或綢或布或麻或呢。及  
地衣檯布。其上汚以酒痕。果汁。水墨之污。凡百之穢。一擦立淨。果女子名譽有污者。  
但用此一方之物。亦可湔滌諸公。果欲死者。但少嘗其一效。乃立見此物之死人甚  
於槍彈。一辨士一方也。諸君思之。如是妙用。但一辨士而已。立時卽有兩人各購一  
方。尙有數人。則夷猶不自決。貨郎復衍衍言曰。此物成其消亦速。成此者。用水機十  
四。滻機六。電機一。終年不止。尙不足供人之用。運機之工人。至於力疲而死。吾廠尙  
恤其嫠。有兒者。人二十鎊。孿生則五十鎊。又言曰。一辨士一方。兩半辨士亦可。四法  
丁。爲數如之。去酒痕。果汁。墨迹。泥污。血斑。因取沙克司之冠。曰。衆不信者。此先生冠  
上有斑點。我且試之。如何。沙克司大驚。與奪貨郎曰。無傷滌之片晌。卽淨潔如故狀。

諸君觀之。此斑點有一金鎊之厚。一先零之廣。吾尙不知其爲酒痕耶。果汁耶。罪及血癥耶。語至此。沙克司直起奪冠。衝門而出。既出。悠悠無所之見。追者無人。則知座人必以己爲醉。行過一公車之側。車燈射入。沙克司避燈先行。不令人見。忽見有人付郵筒於車人。沙克司知郵車至。必有新聞。已事曾否。列諸報中。附而竊聽之。司車者受郵筒言曰。昨夕不先爲備。令我久候。何也。郵人曰。汝自倫敦來。得何新消息者。車人戴手套言曰。無他事。惟米穀之價略高。又聞司必塔菲而有謀殺人事。我乃不知其詳。卽有座客言曰。確也。事滋可怖。車人曰。男耶。女耶。曰。女也。有人言句未畢。而嘶養者曰。行矣。勿喋喋擾人。車人曰。可。角聲動。車亦立行。沙克司聞言。明知爲已事。然竟如無聞。但不知以何嚮爲當思定。遂趣哈得菲。而以獨身夜行。震恐乃入肺前。望無窮。或動或靜。觸目皆成鬼魅。益以晨來。腦中印南施尸狀。若披髮浴血踵諸。其後落葉作聲。卽類南施之衣袂。微颺略動。又類南施之呻吟。一止一行。皆含幻相。有時力壯。其膽向後。而顧果使見靈。亦將博擊。顧一迴首。而幻相又落其前。已乃以。

背倚牆而立。意鬼或不能拊背而來。然凝立時。而鬼氣卽翔其項。則竟仰臥於地。二目上視。似見一墓碑碣。以血書之。世上諸君子識之不平之人。恆謂兇人幸逃法網。斥爲無天寶則。不爾。此時之沙克司一分鐘中之驚怖。甚於二十次之死矣。此時行經小團焦之次。見其中無人。遂謀止息。團焦之外。有大樹三株。迎風而嘯。咸作異聲。顧此時已憊極。不能不臥。臥時張眼。似見兩鬼。眼睜視其前。一閉目。則又類臥於南施戶。次復不卽睡。起而力奔。又似有人尾追其後。肢顫力掣。汗出如灌。無竅不蒸。忽聞人聲四起。挾夜風而來。沙克司處萬靜之中。得此頗足自壯。則向聲而趨。少須。天色通紅。火星如亂花飛舞。光之所被。燭見數里。燻霧迷漫。蓬蓬而至。人聲愈雜。咸言火發。警鐘四撞。樑棟倒壞。萬聲雜動。近視狀。乃極慘。男女雜沓而過。沙克司闖入人羣。無論溝也渠也。直跳越而前。狗亦狺狺隨之。旣至見居人衣服不備。知爲夜中驚起者。有人自廁中引馬避火。亦有負篋劈火燄而出。巨梁中斷而墜地。火花爲之四濺。而窗洞火舌外舐。至烈。婦孺咸呼救援。厥聲震天。救火者亦交喊。振動水龍。引水。

直射火海中。蚩豈作聲沙克司與之同喊聲。音至猛。往往跳躍。幾欲逃出其軀殼而去。或前助水龍之人。或冒入火中。終不令一身有俄頃之暇。遇梯即登。危立於壞牆之上。擇其最危最險之地。奔越顧乃無傷。果似有鬼物陰附之者。不疲亦不他想。直待天明。百物皆空。但有焦土及沙克司而已。沙克司夜中以火力自助。及火熄則百慮復集。怖乃十倍。於夜中及見有人聚談。則大震以爲所談者卽已謀殺之事。微聲呼狗潛蹤而去。行經水龍之側。人方聚飲。見沙克司夜來助力。則招與同飲。談時卽述南施見殺事。有人言兇手逃向百明罕。然亦易得。明日下午舉國皆知。以必得其人爲快。沙克司聞言立逃。顧憊甚。則擇靜處而息。夢中駭不可狀。天色未晚。卽畏鬼物。又思不如竟歸倫敦。彼人謂將捉我於村間。必不期吾身之尙在倫敦。矧尙有法。金可倚。果避其家數禮拜。則以力刦取其財。奔避巴黎可也。與其前後皆死路不如冒險。仍歸倫敦。謀定卽行。行諸偏僻之地。迨近倫敦。則以夜中覓取法金。忽迴頭視。狗則又躊躇。謂鄰右皆知吾飼狗。狗匿不見。必與我同行。吾尙足變服。狗則不能與。

之同。行足以自趣其死。意欲斷送此狗。則覓取石頭裏以素巾四覓。積水漬狗。令死。用以滅口。方沙克司取石時。狗時時竊視。或狗望色而知耶。或沙克司先示殺機於此。狗爲狗所知。乃極力避主人。時時防備。及見主人近池畔。引手招之。狗竟不前。沙克司曰。汝前狗遂進。沙克司以巾石繫其頸。狗逃。沙克司曰。狗前。狗仍搖尾。不進。沙克司以素巾爲套。更嗾其狗。狗略進。復止。少須力奔而去。沙克司呼之不磨。遂亦自行。

#### 第四十九章

一日天色垂黑。白龍路以車至門。微扣其扃。扃啟。車中出一武人。司左門。車上又有二人同御者。司其右偏。白龍路麾手。此二人自車中引出一人。登樓。其人則孟克司也。白龍路引是人至廂房中。孟克司不卽入此。二人示白龍路取進止。白龍路曰。汝尙何疑。彼不入者。引至道上呼巡捕。言彼爲罪人。孟克司曰。汝敢加我以罪人之名耶。白龍路曰。爾敢正視我耶。汝欲逃者。則汝爲狂易矣。謂二人曰。汝繼之。聽其行。二

人旣釋手。白龍路曰。汝儘可行矣。我實告汝。汝足一履吾闕。吾卽呼巡捕。指爾爲謀產之盜。今日吾策已定。決無可挽。汝敢力與吾抗。則汝之禍事亦立灝。孟克司視左右二人。曰。此二狗。究有何力。能誑我至此。白龍路曰。奉我命令。我倩其人。捉汝。汝謂我侵爾自由。則以法律科我。我亦自有其可以訟汝者。至時。汝求退已晚。則權力不在吾手。吾亦爲汝之地。孟克司聞言。頗躊躇不自決。白龍路曰。趣決之。或自行吐實耶。抑至官中陳之。惟汝自擇。若乞我之憐。冀被害之人赦汝。則汝當靜坐待決。孟克司噴噴若自商。終不卽言。白龍路曰。趣言趣言。待吾令出時。則汝必不救。孟克司仍不答。久乃言曰。能得兩全之法否。白龍路曰。無之。孟克司見白龍路怒氣勃然。則聳肩入室。歸坐。白龍路語二人曰。汝鑰其扉。我一掣鈴。汝卽奔集。二人諾而出。屋中相向者僅此二人。孟克司擲冠於地。曰。吾父契友。乃以此禮見待乎。白龍路曰。我惟與若父莫逆。而若父之同胞女弟早逝。令我廬居至今。若父及我曾同跪於爾姑氏靈榻之前。同送其終。果斯人不死者。死日卽我之婚日。惟其親切如是。故今日不聽。

爾赴之官中。爾雖不肖種種。均以若父之故。加爾以慈惠。爾知之乎。噫。以汝不肖。尙姓爾父利福之姓。抱慚多矣。孟克司曰。我與此姓胡涉。卽不姓利福。亦可。白龍路曰。此姓即爾姑氏之姓。汝不之惜。若老夫者。聞人言此。心脉爲之。憤興。幸汝乃以僞姓。行吾心。滋慰孟克司無言。白龍路以手掩目而悲。孟克司曰。汝今呼我何爲者。白龍路去其手。曰。汝乃有弟。道中與爾言爾弟時。在汝應隨吾行。必不當令人引爾。孟克司曰。我安得有弟。汝不知耶。白龍路曰。汝或未知。吾當告汝。若父與若母之姻緣。可云惡劣極矣。其中不言愛情。專以利爲市。故汝生帶茲戾氣。吾固知爾父母自成婚後。狠如仇讐。始猶僞爲敦睦。後乃逐日勃谿。於是分散而居。分居後。各挾仇而去。後此若母亦稍忘之。而父則抱憾中心者久。孟克司曰。吾父夫妻分析。於我又何涉者。白龍路不之顧。又言曰。若父母離析後。若母在巴黎游蕩。竟忘其年少。於己十歲之故。夫矣。至爾父心空一切。長日靜處於家。後來別有所戀。汝亦當明矣。孟克司他顧曰。我何知者。白龍路曰。我觀若狀。必深識而深恨之。我所述事。在十五年前。汝年僅

十一耳。汝父方三十一年，以爾姑成婚，尙非及時。今茲之言，言之適傷我心。幸爾自述，勿令我生傷逝之感。孟克司曰：我本無言。汝欲言者，恣言之。白龍路曰：若父所轄，轉之人實爲水師中退休之將，弁其妻逝可半年，所留二女，一十八歲，一但兩三歲。孟克司曰：此言何由見告？白龍路仍如弗聞。言曰：彼所居地若父正飄泊，於是間後此過從，至密交誼。日深爾父生平纏綿悱惻，如爾姑氏一見，令人生憐。此將弁遂極契，重然而禍水亦成。彼長女遂亦愛憐爾父。白龍路語至此略停，而孟克司以齒較脣，以目視地。白龍路曰：一年之後，爾父與彼長女定情矣。孟克司作不耐狀。曰：汝言過長。白龍路曰：凡悲憫糾纏之故事，皆成長篇。若歡愉之事，則一言即了。後此爾父有良友，死於羅馬。病篤時，以書招若父爲理其身。後之事，詎知若父一行亦病於羅馬。爾母在巴黎，聞若父病，卽馳赴羅馬。至之明日，若父死矣。初無遺囑，故所有之產悉歸爾母子之手。孟克司初聞，但注目於地，然甚畏懼。及至此，始張目，噫氣拭其額，汗以爲無遺囑。此尙足慶也。白龍路復張目視孟克司曰：若父未行時，曾便道探我。

孟克司復驚卽曰此語我乃未聞白龍路曰爾父到吾家時送余一美人小影卽所鍾情之人以行色匆匆未便與之同往語余曰此事乃出吾所不料今惟趣行爲當似其中尙有隱情乃未嘗語我契友詎知此見卽爲永訣並書亦不之得余後此至爾父所眷之美人家用慰其人乃至時彼父女已遷徙而去聞係負債逃奔不省所適孟克司至此釋然昂頭四顧爲狀至適白龍路移進其榻曰不料爾之異母之弟無心竟落吾手狀同乞兒矣孟克司僞驚曰汝何言者白龍路曰汝弟也適落吾手吾言汝必大驚卽爲此弟爾弟來時大病然吾斗見其人卽愕然如曾相識非相識也其狀甚類一人特不能記憶其人之安屬及歸家時斗見爾父所眷之美人如合符節且爾弟神情又酷肖我之亡友尋又爲賊人道刦此事汝已久知老夫亦不贅述孟克司曰我安知者白龍路曰爾焉能賴吾咄嗟之間卽可令爾知其底蘊孟克司曰我何闇昧之事汝果明決到底者一一言之白龍路曰汝勿驚老夫自能語汝自失此兒後四覓竟無迹兆時爾母已前死余思欲得爾父身後之事非得爾莫辨

嗣聞爾在西印度中理爾產。吾故至西印度覓爾。至時聞爾綱紀言。已到倫敦。叩以居址。則不我告。謂爾行蹤無定也。老夫歸後尋求亦不可得。不期於二點鐘前。竟爾得汝。孟克司起立曰。汝既得我。又何言者。實告汝。汝適言謀人之產。其罪至重。非等謔浪。又胡知吾父與彼婦生子。詎相貌偶同。卽爲吾同父之確據。白龍路曰。吾先尙未明。乃半月之中。余則一一知之甚審。汝心固自知其有弟矣。後來亦知若父固有遺囑。乃爾母至時取而毀之。爾母死時。始以此語告汝。並舉其遺產付汝。遺囑中尙言。與外妻有孕矣。其中尙有爲孤離。噉飯之地。此子偶爾爲汝所見。彼貌類若父。知爲遺孽。則百計欲毀其證。自至此子生產之地。得其確據。因而沈滅其迹。是乎。爾與法金之言。吾今一一爲汝言之。汝語法金。不言此兒之鐵據。沈之河中乎。尤有一老嫗。抱此證據之人。亦已前死。是乎。汝不肖之身。汝姓爾父利福之姓。乃與穿窬之盜。在黑夜中商略。絕滅天理之事。汝膽巨矣。語至此。汝尙敢與我抗耶。孟克司聞言面如死灰。戰兢言曰。吾不敢復辯矣。白龍路曰。汝與兇賊商酌之言。一一皆入吾耳。實

告汝。汝是夕牆上黑影一瞥而消息即至吾家。然傳此消息者亦屬宵人。尙不忍此。無告之兒觸滅天性。揭而告我。今其人已爲人所殺。汝雖不殺其人。其人實爲汝而死。孟克司曰。茲事我乃未聞。今日本欲出探。竟爲爾得。吾實不審其中底蘊。以爲彼與外婦多爭。因爭而死。恆事耳。白龍路曰。此婦之死。卽爲憩汝昧良之事。汝今尙能作遁詞抵我乎。孟克司曰。我願吐其實。白龍路曰。我尙不欲汝言。必待衆證皆集時。始令爾言之。孟克司曰。願之。白龍路曰。我尙不止于爾。自承其罪。尙宜謝過於爾幼弟。爾父遺囑中。應知若父生前所以爲爾弟部署之地。爾能如約而行。則聽爾翱翔於何處。此世界中。我良不欲更見爾面。正於此時。忽聞啟鑰之聲。礮然。洛司朋醫生闌然而入。言曰。此人今夕可擒而得。白龍路曰。得母殺人之人。醫生曰。然。彼人之狗。出入於一陋巷間。人知狗主於晚間必至。今偵探四佈。言此次決莫逃矣。巡捕房中懸賞一百鎊。求得其人。白龍路曰。我至其地。將增以五十鎊。海雷又安在。醫生曰。海雷與爾同來。後復以馬往覓兇人。白龍路曰。法金得耶。醫生曰。我尙未聞。然今夕必不

能遁。白龍路間孟克司曰。汝策定乎。孟克司曰。乞丈無喧。我必如約。白龍路曰。汝幸從吾言。尙爲平坦之道。吾今少出。汝在此專待吾歸。於是二人同出。仍鑰其扉。醫生潛問白龍路曰。汝探出其人消息否。白龍路曰。清如鏡水。汝今傳語諸人。於後日七點鐘聚而剖判之。吾輩今先以車至某處。即倭利物生身之地稍息。且請密斯麥烈勿太驚擾。至於崩暈。今日此心專爲南施復仇。爾試詔我何處爲賊窟者。醫生曰。汝先以車至巡捕房。爲時尙早。於是二人分路而去。

### 第五十章

太姆士河。卽路德昔司禮堂之所在。沿河之屋。至卑陋。近步之船。亦黝黑。蓋煤氣所燻也。近處有一處。爲倫敦至濱濁之地。其名。至爲上流社會所弗知。果有人至是閒觀其狀。則居人及舟人。咸菜色。肆間售賣之物。如衣也。食也。皆粗陋不堪。路狹摩肩而過者。均煤夫車人。貧婦孤兒。鼻觀則腥臭不堪。耳聽則車聲輒輒。問之土人。卽知河中有小島。曰雅各島。島之四圍。皆沮洳之場。潮生時。深可七八尺。寬又二三丈。實

河之支流環島而過與島相屬處有木梁可以通岸島上人家後戶皆臨溝而門恒於窗中以縷下汲屋之欹斜敝壞不堪窓中出竹竿晒其垢穢之衣至於空氣皆含腥臊不可近溝中則厚積糞草此間非極貧之人與有罪蟄伏者萬萬不至其地羣屋中別有一屋較常屋爲巨屋舊而窗戶常修後戶亦臨河屋中有三人同居其狀甚憂一爲託貝一爲吉忒林一爲新入夥之盜年可五十以外其人額上有刀瘢鼻樑亦爲人中斷前在配所尋脫械逃歸名曰喀格司託貝語吉忒林曰汝胡爲亦避於是間喀格司曰汝不欲者胡竟來此我屏居是間不與爾往來者韜晦也今爾被罪且死留爾適以自累二人不答託貝又曰汝知法金何時見執吉忒林曰二旬鐘時耳卻立及我自煙囱中出布而忒伏於空箇之中二足外露亦爲人得託貝曰貝忒安在曰彼與南施友善往視其戶驚悸而狂奔越叫囂於市爲官中捉入風人院矣喀格司曰沙克司何如吉忒林曰尙游行四避聞晚間尙至是中三蹩子逆旅中公人已滿沙克司不敢入也託貝曰一敗塗地矣吾恐此時受縛者尙不止此

數喀格司曰布而忒入官必直承無諱沙克司固死法金亦必不免禮拜五堂訊讞定則禮拜六時別我矣吉忒林曰公人臨縛時法金與格門大受疲傷爲官中捉去矣尙有仇家爭欲摺其臉割其胸公差力止之不聽殺方其語時聞有聲甚異則一白狗越窗跳入數人啟關而視則不見其主人託貝曰彼來耶來時吾輩胡得生喀格司曰我意決不至必隨狗而前趣以水飲狗欲顛矣吉忒林取水飲狗言曰胡周身皆泥睛盲而股僵不審行長道幾許矣託貝曰彼至彼胡不至上彼字彼狗下彼字彼人也吉忒林曰彼必不自裁二君如何者託貝搖首曰決不死喀格司曰彼死吾縱狗而前必得其尸之所在以我思之彼必以計愚狗自逃身人於村墟此時天黑嚴閉其窗然燭於几三人同聚一處微聞聲息卽起亦不敢恣語少須聞叩門聲甚厲喀格司曰彼至矣已而又叩喀格司曰又似非彼彼之叩扉聲不如是託貝臨窗而窺顏色頓異觀者不問知至者爲誰矣狗聞門聲亦作聲而嘶託貝曰不能不聽之入執燭將啟其扉吉忒林曰乃無術祐之而去耶託貝曰否喀格司大驚

曰汝以燭行吾暗中益恐乃取燈點之手顛不可止託貝既以燭下少須與一人同上全身皆裏僅露兩眼旣至則去其裏頭面始出色白而日眶深陷兩頤皆縮鬚滿其頰氣咻咻然非人鬼矣以手按榻背欲坐則四顧移榻牆隅始坐一語都無但顧座人久乃發聲衆聞言皆駭以沙克司之聲至是亦大變言曰狗胡至是託貝曰彼獨來可三句鐘沙克司曰法金受縛確乎託貝曰確衆又無言沙克司忽怒曰汝輩胡不慰我以言三人皆久囁不敢出話沙克司曰我今日至此能容我耶抑將賣我託貝曰汝以此地爲安者即可同居沙克司忽迴顧曰尸埋乎三人皆搖首報之沙克司又愕顧曰胡不趣埋忽又曰誰叩門者託貝曰容我觀之汝輩勿懼遂下少須同卻立入卻立一見沙克司卽曰託貝汝胡不告我沙克司此時畏死亦與卻立鞠躬卻立曰汝引我他適沙克司曰卻立乃不識我耶卻立退走曰汝殺人之厲鬼幸勿近我沙克司以目視地無語卻立曰衆聽之吾今不畏彼矣官中圍門者吾第一首指其人卽欲殺我我亦無懼決供其人無諱衆當知彼爲殺人之人衆有天良者

勢宜助我縛之語已。攘臂取沙克司。沙克司不之備。竟爲按之於地。三人愕然。竟不能前。沙克司力擣卻立。卻立擒之。弗釋。大呼捉賊。然力薄。不能勝。沙克司。沙克司已以膝跪卻立。喉際卻立。幾死。託貝忽引沙克司以手指窗。見窗外火炬如龍。萬聲雜動。似無數之人爭過木橋。其中尙有馬蹄之聲。似武弁以兵至者。叩門之聲。至屬尙有。聞人臨觀。大呼捉賊。卽膽巨之人。至是亦顫卻立。仍大呼救命。取賊其下。有人曰。力碎其扉。賊在彼間樓下。又爭呼曰。吾奉王命取賊。卻立大呼曰。賊不能敵。關官人可碎扉。入於是聞。以石碎門聲。沙克司曰。彼尙呼晉趣以物縛而囚之。因曰。彼處佳則力推入於暗室。扃其扉。問此三人。曰。樓下之門堅乎。三人皆顫曰。門皆雙鑰。加之以鍊。沙克司曰。窗門如何。託貝曰。皆加鐵柵。沙克司開窗面下面言曰。儘爾所爲。我均有術。以拒汝。樓下人見沙克司。咸大呼。有人言曰。縱火焚樓。有人言以槍死之。然騎馬之人尤焦怒。下馬入人羣中。言曰。有人以梯至者。賞二十金鏹。令出萬人爭。傳其聲。購賞地狹。人稠。竟無展布之地。勇者竟欲沿壁直上。顧乃不獲。此時沙克司力。

閉其窗。言曰。汝有長繩否。吾自屋頂以繩下墜。從後戶越溝而逃。趣來趣來。汝欲賣我者。我先殺爾三人。三人。大懼。以手指繩。所在沙克司得巨繩。竟上屋頂。臨河之窗。本以磚塞之。祇郤立所。因地有小窗。通空氣。郤立。引首出外。呼衆司。後戶。迨沙克司。登屋時。羣人亦繞出後戶。沙克司。登時。挾板。以爲墜河尙據板上。不至於溺。乃一望。樓下心虛。不敢卽落。河水復退。但有泥萍而圍樓之人。仰見沙克司凌高。遂不復聲。靜待其下。捉之及見。欲下不敢。則又鼓噪前門之衆。均集後戶而來。彼此互擠。火炬燭天。人人咸以面上。仰隔河人家。亦咸出首於窗戶。每窗咸露數人之首。如畫重疊。人矣。木橋之板。以人多。幾不能任。且折好事之人。尤爭集。欲一見兇人之面。忽聞橋上有人言曰。苟得是人者。予五十鎊。忽聞有人言。門破矣。又有人言。以梯登矣。消息一傳。衆知罪人斯得。皆却退。擬在街上聚而觀之。於是勢乃少殺。沙克司知逃無可逃。思直跳而下墜於污泥之中。夜黑。或可得免。時樓中梯級。已有脚步之聲。羣人爭上。心乃愈恐。遂以巨繩縛煙囱之上。繩端縛之腰際。徐徐下墜。至於河次。以刀斬繩。

而逃。此時方將繩圈入頸，勢將移之。脇下卽聞其下有人言曰：「賊以繩自套其脇，將下墜矣。」衆備之沙克司自黑中一觀，有二睛兇，視疑爲南施鬼眼，則大叫脫其足下。墜脇繩未穩，竟套頸上一下至三十五尺。二手旁伸，頸上受繩已縊死於樓半手中。尙握利刃，備以斬繩者也。沙克司戶所掛處，卽卻立受囚之所，戶身適蔽其窗戶，卻立伸首推戶，向下呼曰：「賊縊於此，汝輩趣以梯取戶而去！」時沙克司之狗聞主人登屋，亦隨之上見，主人下墜，亦跳越而下，適觸巨石立破而死。沙克司於黑中見鬼縊者卽狗

螺鳴也

## 第五十一章

前章所敍事過後可二日，倭利物已駕高車，向其所生之地而行。其行且速，與之同車者密昔司麥烈密斯羅斯貝德溫及醫生，而白龍路則別有一車，魯一人同行。車中無言，以倭利物此時心緒起落如潮汐，至於噤不能聲。同車之人亦以身逢奇事，各有所思，咸無言。倭利物自此二女人口中，述孟克司語，顧未甚了了，知此去定能

詳晰矣。至於日來南施之死。沙克司之縊。事至凶慘。醫生命諸人祕不之示。語白龍路曰。茲事日晚當立白。惟當徐徐言之。勿令驚愕。致暈。於是車中力祕不宣。顧倭利物雖無言。而沿路觀諸景物。百端皆足致慨。時謂羅斯曰。吾前此出時。此爲隱身之小溝。此爲跳越之短籬。又得一僻路。言曰。達此可通曼恩之家。語至此。忽思迭克。因自言曰。嗟夫。迭克。此時果見汝者。足助汝矣。羅斯曰。汝轉盼卽見彼矣。行當告彼。汝今安樂。且得錢矣。尤當告彼。以種種佳消息。尙不敵故人相見之爲樂。倭利物曰。然吾甚欲脫彼於此間。厚其衣食。且延先生教之。讀書密斯羅斯以爲何如者。羅斯曰。佳。此時倭利物淚被其頰。乃亦不能詳語。但曰。果密斯見此人者。亦必加以憐愛。彼若述其生平。密斯聞之。亦將淚泚。第此淚尙易乾耳。已而車至村市。倭利物躍躍欲狂。衆爭止之。又見蘇阿白雷檮肆。景頗衰落。而人家風物如故。甘菲而之車。尙停於酒家之外。卑田院俄頃見矣。門外閭者。仍爲老丐。倭利物見而大震。旣而思之。吾今何震者。乃復言笑如恆。車旣過時。人家開窗而視。倭利物觀之。幾疑爲昨日亦曾過。

此者蓋人人如故狀也。意前後苦樂猝易竟同。噩夢顧乃非夢真也。車至一大逆旅。門外格林威格已立門外奉迎。見女子無老無少。下車咸與親額。幾自信身爲諸人之祖父。無一不加以撫愛。笑靨承迎爲樂。無藝而自食。頭顱之言亦絕口不道矣。入時餐飯旣陳。臥具亦整整如其人數。雖初至至忙碌。迨部署旣訖。人人又相視無言。白龍路則不與諸人同飯。偕孟克司飯於別室。醫生及格林威格則來往於二室之間。商酌聲響極微。有一次延麥烈出話可一句鐘始歸。二睛皆赤。其狀似哭。倭利物及羅斯相視愕然。則皆微語。於是至於九點鐘。倭利物及羅斯以爲今夕無事矣。忽見醫生及格林威格同人白龍路。則別偕一人同入倭利物大驚。立起趨避。白龍路曰。此爲爾兄倭利物思。此人卽郵局欲肆歐之人。又在別業樹陰中與法金同立。所曾目覩者兇人也。而孟克司見倭利物。則張眼作不屑狀。卽於門次覓小榻而坐。白龍路手中執束楮。近倭利物羅斯之次。言曰。我爲是事中心殊歉然。必令孟克司對衆自敍其事。孟克司他顧曰。汝所欲爲之事。趣爲之。吾不欲更留是間矣。白龍路引

倭利物至孟克司前言曰此兒爲爾外母之弟卽爾父爲吾之老友愛德溫利福及  
爾外母安尼司佛來敏所生之兒也安尼司因產是兒而死孟克司怒曰是卽孽種  
白龍路止之曰汝出口無狀卽詈爾父汝縱詈若父又安知若父又有此兒生於是  
間孟克司曰是固生於卑田院者因指白龍路手中東楮言曰汝已書之無待吾言  
白龍路左右視訖謂孟克司曰非爾自言無可也孟克曰衆欲聽者聽之面倭利物  
曰彼父病於羅馬彼父之妻卽吾母聞耗卽攜我赴羅馬視其人此去固爲收產而  
來不爲愛情來也吾父母之不睦吾知之甚害吾去時父已昏迷明日遂死自篋中  
得二緘后書年月卽生病之第一日書以與汝者指白龍路其上尙書云待死後再寓此  
書其中有書與安尼司更一緘則遺囑矣白龍路曰書中何言孟克司曰書中多言  
乞上帝賜福以在英國時未嘗以己娶之言告安尼司則給之曰今茲尙有隱衷將  
來必以白汝誰知此女信我甚篤遽爾失身且孕此書中逐一自敍其過惡請於  
私處生兒我果生者必爲汝部署後事果不幸而死者則罪不在汝亦不在兒罪專

在我書中尙言前此尙贈篤髮一束金戒指一中鑄爾名安尼司備成禮後更鑄爾夫之姓此物須爾留之懸諸胸際後此書詞多模糊語無次序可覓似神思昏也倭利物聞至此淚下如麻白龍路曰遺囑中又何言者孟克司不言白龍路曰吾爲爾代言之遺囑之前有小引敍夫妻不睦之故又言所生之兒自少不肖聞母氏之言痛恨其父遺囑付爾母子每年每人八百鎊一切產業析爲二股一付外婦安尼司佛來敏尙有一股留付所生之兒果所生女也卽以此產予其人無他部勒果男也必令此子在二十一歲中無爲敗名毀家之事方與其人吾之所以丁甯至此者以吾外婦安尼司人極和厚必能教子果非佳品者則悉產與我長子此語蓋警長子之不肖故用是以戒外婦令勿溺愛孟克司曰吾母已焚其遺囑矣且歸告安尼司之父水師員弁之前力斥其女之醜於是員弁羞不自忍擊其二女逃至威而司變碎旋亦奄化而去語至此不言白龍路爲續之日逾數年後此人之母至吾家此人指孟

司克省余時孟克司竊取其母所有逃越於外母子遂不同居以所有之錢或賭或淫至於行僞券在倫敦中與宵小爲伍其母已憤而病一一述而告余且言欲而其不肖之子後始卒顧乃百覓不可得見僅乃得之同至巴黎而母旋逝語後孟克司又自言曰吾母死後逐一告我以軼事語余曰防吾父之外婦實未嘗死孽子亦有吾卽立誓告吾母果有寸進必死是兒且以計令彼伏法吾母之言乃果驗竟逢之於路吾圖謀甚邃設非爲人所敗者吾功成矣語時頓足恨恨不已衆聞之或大愕白龍路曰彼同謀之猶太人得孟克司之賄堅留倭利物爲賊及第二次入密昔司麥烈家則又賄囑法金給之外出狙獲其人故同至別業審視其眞僞語至此復面孟克司曰女更言纖髮與金戒指事孟克司曰此物即從所言之夫婦二人買得者此物蓋得自老嫗手中而此老嫗又得諸安尼司胸際白龍路與格林威格示意格林威格出手推考尼右手挽本特而同入本特而見倭利物卽曰汝爲小倭利物耶汝行後吾至爲汝憂之考尼曰此時尙何作此讐言本特而曰此天性不能自忍

者吾自少見其長成至此今茲得諸貴人憐愛吾烏能不喜吾平日愛小兒同我每  
我。向我祖父也。格林威格鄙之曰汝勿過悲本特而以手捧心言曰吾當以術自制。  
其傷心及見白龍路則僞爲相識曰汝邇來佳乎白龍路不答指孟克司曰汝識其  
人乎考尼曰否本特而曰素昧生平白龍路曰汝曾以物售其人否考尼曰無之白  
龍路曰有小金匣中貯戒指憶之乎考尼曰汝乃夢囉胡爲以生人作狂囉白龍路  
復示意格林威格格林威格立出引龍鍾老嫗二人僂行而入先入之人言曰老沙  
雷死時汝屏我於門外然能閉汝門不能閉汝聲也第二人無齒卽搖首曰聲安可  
閉第一人曰沙雷與汝言吾皆聞之明日吾見汝手一紙赴質庫第二人曰吾尾汝  
後見所贖爲一小匣汝乃不見我也格林威格曰汝曾欲見質庫中人否考尼曰勿  
須此人汝輩旣已周知吾尙何言物固吾賣然決不可覓今尙何言見詢白龍路曰  
逗遛不去言曰區區末節詎即絕吾家生路耶白龍路曰如是判決汝尙僥倖本特  
無之惟吾將告之區官汝二人決不能更留彼中用以害人汝夫婦行矣本特而尙  
逗遛不去言曰區區末節詎即絕吾家生路耶白龍路曰如是判決汝尙僥倖本特

而見其妻先出卽微語曰罪不屬我而屬彼白龍路曰毀金匣時汝固在側且法律中女子所爲事咎屬之夫汝罪較考尼重也本特而曰法律如此然則言法律者亦一驢且老鰥耳須令彼多閱歷用張其眼語後自出自白龍路語羅斯曰姑娘勿恐以手授老夫老夫尙有言請爾聽之羅斯曰事關於我者幸勿言吾力不自勝其悲白龍路曰此亦無術惟今日言之爲當卽對孟克司曰汝識此女耶乎孟克司曰識之羅斯曰吾奚識汝孟克司曰吾常見女郎白龍路曰吾適言安尼司之父有二女其一安尼司其一誰也孟克司曰其一人當彼父逝時窮迫無依爲一貧家鞠爲己女白龍路引麥烈前卽趣孟克司曰更言之孟克司曰此在他決不如此女真姓惟聊吾母尙微以錢賙之語之曰彼家爲賤品遂曠是女爲私生之兒於是二貧人亦不之愛備極磨折後此爲一赤斯忒寡居一老夫人收養其人氣象乃一變居然富貴矣以後乃不之見直至於今日於是密告司麥烈力抱羅斯曰恣彼凌曠老身愛

汝一無所減卽燭我物產亦不汝遐棄羅斯亦倒入麥烈懷中曰吾恩人吾母氏吾心碎矣麥烈曰此真好事倭利物汝前拜阿姨矣倭利物卽抱羅斯曰姨氏非親吾必呼爲姊姊羅斯吾親愛之姊姊也於是二人相將入別室抱持嗚咽不已讀吾書者試思此二人者自以爲身是世上畸零之人乃不知有父母今忽洞然如見天日樂何如也然而生身之人已不之見矣二人嗚咽言懷至於極久及聞有叩門聲倭利物始起啟關見爲海雷倭利物徑出不留海雷移榻近羅斯曰吾親愛之人爾事吾已了了今日之來卽遵守前言謂一年更來面汝羅斯曰有之海雷曰吾前言汝肯下嫁者則以功名富貴與卿共之若仍云吾家門戶不與爾等差則吾願悉蠲棄其功名富貴與爾偕老羅斯曰吾之宗旨今尙未改終覺老母之恩決不可忘汝何爲決棄功名富貴而從我重濫母氏之憂海雷曰然則汝忍心極矣羅斯哭曰海雷海雷我豈忍者亦豈願爲此海雷曰旣不爾者則爾我終身之俸福胡因堅癖而盡毀之吾今決定不於世界中求人事汝果允我者我定於村中爲牧師與爾同

度時光則我家門地與爾無分汝亦何惜此區區者不我憐憫耶

格林威格在外大言曰天下候情人道歎曲其事至難語次忽見此二人挽手相將而出格林威格視久復大言曰老夫今日放肆無等矣今將斟此杯酒爲海雷之新人引滿而祝無量之福羅斯羞極以目視地而醫生及白龍路咸相續引滿爲壽麥烈問倭利物曰孺子安往入時胡淚滿其頰茲事何也外史氏曰天下事安有盛滿而不缺者往往所最凝望乃不之遂而迭克死矣

## 第五十二章

此章論法金事矣時公堂之上自樓上及於樓下觀者如堵牆一寸之地均有人爭競目光爭注屋隅法金所蟠伏之地法金一手扶闌以耳傾聽問官向陪審者述法金罪狀有時引目環視陪審諸人有無矜恕之意及見諸人皆赫然無語則自向其律師乞憐求免其死然目動而身則無動如石象矣迨問官語旣法金尙傾耳聽忽見陪審諸員威附耳而語觀者爭覩其面遠者竟出千里鏡嚮法金面人人咸作色

指目其惡。卽諸閨秀及諸婦人亦不加憫恤。似以伏法爲當。忽聞人聲稍靜。陪審者向問官請間。遂退入別室商定讞。人人魚貫出。咸過法金闌前。法金欲於諸陪審中定其吉凶。顧皆無得。此時獄卒引之坐。法金亦昏憫。隨獄卒所指處坐。乃不知坐榻之居何嚮也。仰視人羣。有出糗而食者。有麾巾自扇者。此時法金若自忘其身。但注意他人之舉動。至思問官所御之衣。其值爲多寡者。尤見肥壯之人。乃思其食否。其食所。又在何處。所食又屬何物。目之所接。卽究其人之生平心緒。乃抽出無窮。初亦非自忘。其生死。但心不自凝。圖救已事。雖身顛而眼赤。唇焦且自數其闌干。不已見一斷者。則思法宜修理。方萬緒紛擾間。有人言衆靜。陪審官歸座矣。人人仍過法金。前又莫悉其凶吉。萬聲都靜中。見陪審者向問官言曰。罪人情實。當死。於是堂之上。下皆發聲而喊。堂外不能入者。亦發聲應之。聲止。後問官語法金曰。汝尙何言。法金雖仰面而聽。至問官第三問。始覺其問已。但報曰。吾老矣。吾老矣。已而不聞聲響。張吻。欲希生路。獄卒已引之曰。汝行法金廻。顧卽隨之行。至於堂外。尙有候審之人。亦

有親戚故人與候質者語。顧無一人與法金言。但聞作不屑嗤鄙聲。法金恨極。竟伸拳作欲毆狀。卽有二人左右脅之入監以去。入時則徧覓其身。都無可死之物。遂鑰其扉。法金坐於石榻之上。以目視地。欲自凝其神。思問官所言似頗憶。有繯首二字。時天色垂黑。因憶黨徒之中收局亦正如是。其中尙有多人。則爲已所傾陷而死。尤見有一人繩一加頸。卽挺然而僵。或卽拘於我所居之地。思極而懼。謂此黑屋。胡以不予吾燈。乃立起以手搘門不已。少待有二人入。一人執燭。一人負禪。以法金爲待死之囚。故以二人監之。時長夜已屆。人人咸望天明。惟法金之心。則以遲明爲懼。謂東方一白。夕陽一落。在在皆趣死之方。已而天明。黑屋仍無光線。悠悠又入夜矣。此監中日月似修似短。所謂修者。漫漫長夜。若無日期。所謂短者。則鐘聲纍纍。直驅光影。而逝去死之日。乃逾近。於是怨咎頓生。椎胸搔髮不止。至於禮拜六夜中。自思但有一夕之延。思極而天已明。是日爲禮拜日。其夜始悟。明日死矣。亦初不與二人交言。此二人亦冷淡不與法金語。法金之狀。乃如張眼入夢。夜中狂號迭出。此二人本

一睡一醒。至此則皆無睡。坐以監之。方法金受繫。以拒捕格鬪受創。則以布裹之。鬚髮交亂。鬚已成結。熱重肌皆欲裂。聞鐘聲自九點至於十點。及至十一點。心肺跳躍不止。計更聞十一點者。死期至矣。大概待死之因。夜中情狀。幸獄牆高蔽。人不之知。苟有見者。方知人世畏懼之狀。至此均不能曲繪。而求其胥。是日自晨至午。均有人至監外問法金之罪。能否肆赦。及聞立決。則大悅。傳語其朋友以去。又爭度法場之地。觀法金死處。直至十二點鐘。至監門外探者始靜。此時白龍路引倭利物至監外。矣在法間人不得入監。而白龍路得官中文憑。守獄檢驗後。即縱之入獄。卒曰。此事安可令公子見之。指倭利物白龍路曰。法金肆惡時。此童子固已見之。今其入臨命何妨。使之一觀。獄卒稱可。遂引二人入黑暗之甬道。及一號門之口。禁卒以鑰匙微叩其扉。侍法金之二卒。自內出。各自欠伸示倦意。招手令入法金方坐石牀之上。左右動搖其色。如甫柙之獸。初不類入口中。時時作狂囁。曰。卻立汝。佳倭利物。汝來耶。汝衣着甚美。卻立汝。引之入。寐。獄卒語倭利物曰。汝勿驚。彼狀咸如是。白龍路及倭利

物咸挺立而視法金曰引之入寐汝不聞耶布而忒之頸汝鋸斷之且我此遭之獄。倭利物與有力焉獄卒卽醒之曰法金法金亦曰法金卽爲吾名嗟夫爺爺我老矣。獄卒拊其肩曰汝凝其神是間有人顧汝汝究能辨人否法金曰我不久卽非人兇光怒發言曰彼人何力足以殺我方欲跳跟獄卒力把持之曰客何言者恣言之向後將不能更語白龍路曰孟克司言尙有一物在爾處有之否法金曰無之彼輩盡妄語白龍路曰汝俄頃且死何隱匿爲趣見告孟克司所寓之物又安在汝知否沙克司已伏誅孟克司亦自承其罪汝亦將死留此物安用者法金忽見倭利物卽曰倭利物前有言囑汝白龍路不聽之前倭利物曰吾不之畏遂前法金曰此物在吾屋煙函中有小布囊裹之者是也吾今與爾同出可乎力推倭利物前行狼顧欲隨之出且曰彼有問者但言吾睡熟汝苟引我必可出無梗我者倭利物下淚言曰上帝恕此可憐之人法金曰汝但語此得矣我先出此門爲佳行矣勿夷猶誤吾事獄卒問白龍路曰尙有何語白龍路曰無之吾見是人迷矣何術足令之醒獄卒曰否

今世或不之能君輩出矣。門開法金即曰趣出趣出二人既出法金欲隨獄卒力擒之入法金尙引倭利物之衣二卒力拔出倭利物法金大肆其手足之力不勝二卒則大聲呼嘆白龍路在甬道中尙聞其聲也。倭利物出禁幾欲暈於道周遂凝立獄門閉目可一句鐘始邇邇出大門既出東方白矣。門外人已大集而左右窗中人人爭出其首觀者之中有吸菸者賭博者彼此相擠及調訟者萬聲囂動不已。此時處處皆生氣獨人叢中有木臺上列繩首之架二繩下垂則死氣令人生怖也。

### 第五十三章

凡吾書中所敍之人物人人咸有歸宿矣然尙有數語宜收束者令人知其究竟此三閱月後海雷及羅斯在村間禮拜堂中成禮此禮拜堂卽海雷後此講道爲牧師之地而所構之新居卽於是日遷徒海雷羅斯家於是矣密昔司麥烈隨其子婦同居自問一生行善居此村中心身皆逸直至於奄化而止至倭利物之遺產落於孟克司母子之手揮霍垂盡所剩之遺與孟克司分之人得三千餘鎊若如遺囑所言。

則餘資應歸倭利物。白龍路以爲孟克司長兄分之以半或不至於因貧而益獘亦得藉此爲改行之地。倭利物初亦弗較如約分之孟克司得錢亦不還其故姓仍名孟克司以金至米洲至時仍揮霍既盡復墜入於下流偷竊僞券之事仍恃終不反終乃死於獄中。白龍路則繼倭利物爲子同其子及貝德溫移居近海雷兩家至親過從無虛日。醫生洛司朋自見海雷成禮後仍歸吉忒斯以朋友遠離則大厭倦強支三數月謬言是間空氣於衛身弗宜遂謝去其業傳諸其徒亦移居近海雷忽云病愈長日栽花釣魚治木匠之藝用以自娛然幽莽之習始終無改與格林威格竟成莫逆。格林威格亦老鰥恒造其家居必數日助之灌漑惟初不自承其過雖花萎竿折皆委過他人每至禮拜之日聞海雷在教堂講道則卽人叢中斥駁白龍路則時時調訟謂汝言倭利物非佳今如何者格林威格曰是事我無過是日對表彼究不歸則我未嘗無知人之明也哪亞首首法金官中原其罪顧旣免罪無以爲生後乃爲官偵探用以舉發人罪即本特而及考尼旣落職於卑田院中變其所有而

食之食盡則考尼入貧婦院。本特而入卑田院。不爲司事之人。爲仰食之人矣。極而司及白立忒爾二僕。尙居舊主之家。極而司髮禿矣。白立忒爾向所名爲孺子者。鬚亦白矣。則長在禮拜堂中。爲趨走之使。然時時來往於白龍路家。醫生家。村人竟不別。此二人爲何氏奴者。卻立旣見沙克司。則大懼。自念仍爲賊耶。或治藝。兩較。則治藝爲長。因先役於村人家。繼則爲急足。後乃在腦珊瑚木丹中。爲銅匠。後亦少康。以上諸人。均敍及。將擗筆矣。然不能不思及海雷羅斯。倡隨之樂。我欲敍其家中無事時。出撫貧人。入則仰侍老親。下筦兒輩。似此好韶光。固善人之所應享。何庸詳書其事。白龍路年老。但以課子爲生。倭利物學。亦日進白龍路觀之彌念死友。倭利物母柩。當時藁葬。已無從覓。其斷墳。但卽禮拜堂立一紀念之碑。上書安尼司乳名。不標。以姓羅斯。及倭利物禮拜之後。恆至碑下憑弔夕陽也。